



Wantok



Namba 1941

Novemba 3 - 9, 2011

Niuspepa Bilong Yumi Ol PNG Stret!

K1 tasol

Citifon DUAL SIM
Citifon + any GSM
 Enjoy the lowest rates for voice & data anytime.
K199 introductory price
+ K50 FREE Telikad
 Available in PNG and fee only. This offer ends 12/11/11.
 Call 24/7 Customer Care on 345 6789 | a product of

3G
Intanet long poket
 Wantaim Nambawan Veliu Huawei 6150

K199 Tasol

Call 123
www.digicelpng.com
Digicel broadband
 Terms and conditions apply.

Senisim loa- Sir J

Aja Alex Potabe i raitim

GAVANA bilong Nu Ailan Provins, na bipo praim ministra, Sir Julius Chan, i tok, loa bilong forestri, maining na petroleum i mas senis, na kamap strong wantain nupela polisi.

Sir Julius i tok dispela tripela loa i no stap gut, na pipel bilong PNG i stap turangu yet taim ol ausait manmeri o foren bisnis i mekim planti mani long risos bilong yumi.

Em i tokim planti ol bikpela manmeri bilong PNG, intenesenel komyuniti na ol Greenpeace manmeri hap aste nait long wanpela bikpela bung insait long sip bilong Greenpeace MY Ezperanza long Mosbi.

Chan i amamas long Greenpeace kam insait long kantri long pait agensim pasin korapsen na pasin giaman long

paulim ol papagraun long Pomio, Is Nu Briten Provins, na givim Spesol – Pepos Agrikalsarel na Bisnis Lis (SABL) long 99 yia olgeta long foren kampani long rausim bus na diwai long kamapim wok agrikalsa.

Long Nu Ailan, Chan i tok, insait long faipela yia tasol, Lens Dipatmen i bin givim sikspela SABL long katim diwai long 141 000 hekta na kamapim wok agrikalsa.

Tasol wok agrikalsa i no bin kamap gut bihain long ol i katim olgeta diwai.

“Planti ol foren kampani i giaman long kisim SABL long katim diwai na mekim milian kina antap long dispela.

“Ol i no yusim gut SABL lis long mekim bisnis long stretpela rot, we lokol komyuniti, papagraun na kampani wantain bai kisim benefit.

“Ol i kam stilim risos bi-

long yumi. Na memba, husat yumi yet i votim i go insait long Palamen long lukautim yumi, i tanim bek na wok bung wantaim ol foren kampani long paulim mipela na stilim samting bilong yumi yet,” Chan i tok.

Em i tok ol maining na petroleum kampani tu i no save karim aut projek wantaim gutpela tingting long lukautim envaromen bilong yumi.

Ol i save tromoi pipia bilong ol nambaut na bagarapim wara, bus, gaden kaikai na enviro-romen.

“Planti bilong ol i brukim loa na ol i tingting long mekim bikpela winmani tasol. Nau yet gavman i mas senisim dispela tripela loa, na strongim wantaim nupela polisi long stopim dispela nogut pasin. Kalabusim ol kampani o manmeri husat i brukim loa,” Chan i tok.



Dai long kisim helt sevis

Save i stap long sevim laip long Saidor, tasol nogat rot long mekim wok...

Ridim stori bilong Scott Waide long hevi bilong helt sevis long ples Saidor long Madang provins. – PES 3,4

Moa Lo na Oda long Lae i bagarap- P 4 na 5

Insait: Kangal festival long Madang - P 16 na 17

OCEAN BLUE TUNA
Gutpela abus tru na i no dia tumas!
OX & PALM

Prins Charles bai kam long PNG

Aja Alex Potabe i raitim

PRAIM Minista Peter O'Neill i tok Prins Charles, pikinini man bilong Kwin bilong Papua Niugini (PNG) na Komonwel (Commonwealth), Kwin Elizabeth II, bai kam long PNG neks yia long makim daimon jubili bilong bonde bilong mama bilong en.

O'Neill, husat i kam bek long kantri hap aste apinun bihain long kibung bilong Komonwel Het bilong Gavman Miting (Commonwealth Heads of Government Meeting) long Perth, Australia, i tok, em i bin makim maus bilong pipel na gavman bilong PNG, na askim Prins Charles long kam visitim PNG long Jun neks yia.



Prins Charles bai kam long PNG klostu..

"Prins Charles bai kamap king bilong PNG na olgeta komonwel kantri bihain long mama bilong en, na mipela i amamas long makim daimon jubili bilong Kwin wantain em," O'Neill i tok.

O'Neill i tok dispela CHOGM kibung i bin givim sans long bungim ol arapela wol lida, long PNG bai stretim gut poroman bilong en long intenesenel level wantaim ol arapela memba kantri bilong Komonwel na Esia (Asia).

O'Neill i tokim CHOGM long asua bilong klaimet senis i mekim go antap level bilong solwara na kamapim birua long daunim ol liklik aelen long PNG na Pasifik Ailen tu.

Em i tok ol bikpela kantri olsem

Australia, New Zealand na ol arapela kantri tu, bai halivim PNG wantaim mani long pait agensim dispela klaimet senis birua.

Long wankain taim, O'Neill i tok, Gavman bilong PNG na Australia bai holim wanpela toktok long Desember 7 i go inap 9, long kamapim Purari Haidro long Galf Provins.

Em i tok Primia bilong Queensland, Anna Bligh, wantaim ol man bilong kampani Origin Energy bai kam long stretim toktok long kamapim dispela bikpela haidro projek.

"Dispela projek i bikpela tru we Purari Haidro bai saplaim pawa i go long Queensland na ol arapela ples long Australia tu," O'Neill i tok.

Telikom PNG i helpim ol skaut

WANPELA long ol grup i stap longpela taim tru long PNG na i helpim long skulim ol yangpela man ol gutpela pasin i amamas stret long kisim gutpela helpim i kam long Telikom PNG long dispela wik.

PNG Skauts Asosiesen em dispela ogenaisesen we i ken skruim gut wok bilong em nau wantaim tupela kompyuta set, tupela fiks wailles telepon na tupela intanet modem em kos bilong ol inap long K7,500.

Wantaim ol dispela, em i isi nau long Asosiesen i konek i go long intanet na kisim ol samting i karamapim ol wok long operesen bilong em.

Sif Komisina bilong PNG Skauts Asosiesen, Meja Sere Kala na deputi bilong em, Michael Pearson, na sampela mangi skaut i bin kisim ol dispela samting long hetkota opis bilong ol i stap long Konedobu, long dispela wik Mande.

"Mipela i amamas tru long kisim ol dispela kain donesen bai helpim mipela gut long ol operesen wok bilong mipela, na tu, larim ol skaut mangi bilong mipela long yusim intanet na toktok wantaim ol wanlain bilong ol long wol.

"Wanpela long ol samting mipela i promotim em long kisim ol mangi long save long yusim kompyuta bikos planti bilong ol i nogat kompyuta long skul na long haus. Na dispela bai givim mipela bikpela helpim stret long pulumapim dispela spes. Ol kompyuta bai helpim edministresen bilong mipela long komyuniket wantaim ol provinsel skaut hetkota long PNG," Meja Kala i tok.

Sif Eksekutiv Opisa bilong Telikom PNG, Peter Loko, i bin mekim ol gutpela toktok long wok bilong Skaut Asosiesen long eduketim ol yangpela pipel bilong PNG long gutpela pasin.

"Dispela donesen i soim laik bilong mipela long bildim gutpela



GIVIM LONG OL SKAUT: CEO bilong Telikom PNG, Peter Loko, i givim ol donesen i go long ol skaut taim Sif Komisina bilong ol Skaut, Meja Sere Kala na deputi bilong em, Michael Pearson, na ol narapela i lukluk i stap. Foto: Telikom PR.

pasin long ol yangpela pipel husat bai kamap ol lida long bihain taim. Givim ol kompyuta i go long ol i no bilong ol skaut mangi i go long intanet, tasol bikpela samting em long bildim gutpela pasin na mekim ol i wok wantaim komyuniti, olsem tasol Skaut Asosiesen i mekim na ol i ken groa long kamap ol gutpela manmeri bilong dispela kantri.

"Dispela donesen em i rot bilong

mipela long tok olsem, sapos i gat samting mipela i ken helpim yupela wantaim, bai mipela i helpim yupela long mak mipela i ken," Mista Loko i tok.

Skaut Asosiesen bilong PNG em Nesenel Skauting Ogenaisesen bilong PNG. Skauting i bin stat long PNG long yia 1926 olsem hap bilong Skauts Australia. Ol bin bungim wantaim tupela asosiesen

long 1975na joinim Wol Asosiesen bilong Skaut Muvmen long 1976. Em bin gat moa long 5,000 skaut memba na ol provinsel hetkota long Mosbi, lae, Madang, Rabaul, Kimbe, Kavieng, Wewak, Popondetta, Milen Be, Hagen na Goroka.

Skaut progrem i laikim olgeta memba long gatpela save long ol pasin tumbuna na ol kastom bilong em na tu, bilong ol narapela rijen.

Lucy Maraga i nupela honorei konsal bilong Denmak

WANPELA meri PNG em ol i makim em olsem nupela Honoreri Konsal bilong Denmak long PNG.

Lucy Maraga Igo em dispela nupela Onoreri Konsal bilong Denmak long dispela kantri.

Royal Denis Embasi long Jakarta, Indonesia i tokaut long dispela long las wik.

Mis Igo em i wanpela loya na em i wok long Australia Nu Silan Banking grup (PNG) Limited (ANZ) olsem menesa-Ligel na Komplaiens. Em i wok tu olsem kampani sekreteri bilong ANZ.

Royal Denis Embasi long Jakarta, Indonesia i tok tu olsem Konsal Jenerel Brian D White i skruim sevis bilong em i go long Konsulet.

Royal Denis Konsulet long Mosbi i stap long Level 2, ANZ Haus long Haba Siti long Poreporena Friwe long taun.

Nupela visa opis i op long Lae

WANTAIM namba tu opis bilong stretim ol visa, em bai sevim taim na mani long ol manmeri i laik go long Australia long malolo, skul, turis na kisim bisnis wokaut.

Long dispela wik Mande, ol bin opim namba tu Australia Visa Aplikesen Senta (AVAC) long Lae, Morobe provins.

Nupela AVAC opis i stap long Sentrel Kot Bilding long 7th Strit long Lae.

"Mi amamas long toksave long opim bilong Australia Visa Aplikesen Senta (AVAC) long Lae. Mi amamas moa yet long tok olsem ol lain long Lae bai painim isi nau long kisim visa sevis klostu," Hai Komisina bilong Australia em lan Kemish i tok.

Namba wan AVAC opis i bin op long Mosbi long dispela yia Septemba. Bikos nau i gat tupela nupela senta we ol i ken stretim ol visa long en, bai ol wok long dispela na tu, inapim komitmen bilong gavman bilong Australia lon g givim hai kwaliti sevis long PNG.

Ol senis long rot we gavman bilong Australia i kisim ol sevis i go aut long moa ples i soim olsem gavman bilong Austelai i laikim pipel long PNG i kisim gutpela sevis.

Ol senis i lukim nupela taim bilong wok long sait bilong stretim ol visa bai stat long 8.30 moning inap long 4.30 apinun long 5-pela de insait long wanpela wik.

Ruing tok orait long APNG bai flai gen

MEMBA bilong Dei na Minista bilong Sivil Aviesen, Puri Ruing, i givim tok orait long Airlines PNG (APNG) long flai gen long Fraide wik i go pinis, taim Sivil Aviesen Sefti Atoreti bilong PNG (CASA PNG) i bin painimaut olsem wanpela liklik samting bilong balus ensin tasol i bin gat hevi, na kamapim balus birua long Madang.

Dispela APNG Des 8 balus birua i bin kamap long Marakum long Raikos, Madang Provins, tripela wik i go pinis, na i bin kilim 28-pela pasindia, tasol fopela i bin aburusim dai bilong ol.

CASA PNG i karimaut bikpela wok painimaut yet, wantaim halivim bilong PNG Aksiden Investigesen Komisn (PNG AIC) Trensport Depatmen bilong Canada, Air Transport Safety Bureau (ATSB) bilong Australia, kampani husat i save mekim Des 8 balus, Bombardier, na kampani bilong mekim ensin bilong Des 8, Pratt & Whitney bilong Canada.

Nau yet liklik wok painimaut i bin painim olsem dispela balus birua em i no asua bilong ol enjina o pailot bilong APNG.

Ol i painim aut dispela birua i bin kamap taim pawa bilong balus ensin i bin stop nating.

Pailot i pundaunim balus arere long wara taim esin i stop bikos tupela i hat long mekim wanpela samting.

Siaman bilong APNG, Simon Wild, em i tok CASA PNG i givim tok orait long olgeta 12 pela Des 8 balus bilong APNG long ron gen long sevim pipel bilong Papua Niugini (PNG).

Em i tok APNG em i amamas gen long sevim ol pipel na sampela kampani, husat i save yusim dispela 55-pela rot, we nogat ol arapela balus save flai long en.

Wild i tok APNG i save sevim planti ol manmeri long ples stret, na tu planti ol maining na LNG projek kampani i save yusim sevis bilong APNG.

Tasol sefti em i bikpela samting. Laip bilong ol pasindia bai stap gut taim stended bilong sefti em i antap.

Long wankain taim, wanpela man husat i bin go pas na wokbung wantaim ol arapela lain long mekim wok painimaut long dispela balus birua, em i sik na i stap long haus sik long Manila, Philippines.

Sip Eksekutip Opisa bilong PNG Eksiden Investigesen Komisn (PNG AIC), David Inau, i bin painim sik taim blut rop bilong em i blok, na em i stap yet long Philippine Helt Senta long mekim opere-sen.

Suprim Kot disisen bai kamap Desemba 9 long husat tru i PM

SUPRIM Kot disisen bilong Is Sipik Spesol Refrens long painimaut sapos O'Neill i bin bi-hainim loa o nogat, long kisim gavman, bai kamap long Desemba 9.

Long Fraide wik i go pinis, faivpela jas husat i harim dispela keis, i tok laspela disisen bilong dispela refrens bai kamap long Desemba 9, bihain long ol kisim na skelim sabmisen bilong loya bilong O'Neill na loya bilong Is Sipik Provinsel Gavman.

Loya bilong Is Sipik Provinsel Gavman, Ian Molloy, i tok, sia bilong pastaim praim minista Sir Michael Somare, i no bin stap nating taim Memba bilong Vanimo-Green, Belden Namah, i bin rausim loa bilong Palamen long makim Peter O'Neill kamap nupela praim minista long Ogus 2.

Molloy i tok Sir Michael i bin stap praim minista yet, bikos Palamen i bin tok orait long em bai go long haus sik long Singa-

pore.

Long Septemba 6, taim Somare i kam bek long Palamen long wilsia, Molloy i tok, Spika Jefferey Nape, i bin brukim loa gen long rausim sia bilong memba bilong Is Sipik Somare.

Loya bilong O'Neill, Manuel Varitimos, i tok, Somare i no bin orait inap long Mas 30 yet long mekim wok bilong praim minista. Long gutpela bilong kantri, Varitimos i tok, em i bin gutpela tru long ol i makim nupela man

long karim go het kantri gut, na long mekim gutpela disisen bilong sevim pipel bilong PNG.

Em i tok Nape i bin rausim sia bilong Is Sipik long Spetmeba 6, bikos tingting bilong Somare i no bin stap gut long em bai mekim gut wok bilong pipel bilong em.

Memba bilong Rabaul na Atoni Jeneral, Dr. Allan Marat, i tingting long rausim dispela refrens tasol kot i tok nogat long en.

Dai long kisim helt sevis ...Stori bilong Saidor

Scott Waide i raitim

DILUNG Gama, na pikinini meri bilong em, Martina, i sindaun long bet insait long wanpela liklik wod bilong mama karim long Saidor helt senta.

Martina, husat i gat sik epilepsi, o skin guria, i bin karim bebi sampela de i go pinis klostu long ples bilong em.

Pikinini, em ol i givim long ol arapela famili, na Dilung, husat i mas gat 60 samting krismas, i tok, ol i mekim olsem bikos Martina i gat planti pikinini tumas. Em i no tok hamas tumbuna em i gat, tasol em i poin long wanpela boi i sanap baksait long en, na tok: "Em ya, wanpela long ol."

Wankain olsem planti hap long Papua Niugini, stori bilong ol hevi ol meri na pikinini bilong yumi i karim na sindaun wantaim, i no moa nupela samting. Nau mipela i lain pinis long ol pota na stori olsem, we, long narapela ples, bai ol i kirap



GABRIEL PUAK: Inap helpim, tasol trenspot hevi pasim em long sevim moa laip.

nogat na wari tru long en.

Martina em i wanpela long ol mama i laki na kamap long kisim halivim long wanpela helt

senta.

Ples bilong em i stap klostu long wanpela rot, na em i laki ol famili bilong em i bringim em

i kam long Saidor kwik.

Planti ol arapela mama i no save kamap long helt senta.

I go moa pes 4

Dai long kisim helt sevis

I kam long pes 3...

"...Olsem, mipela i kisim wanpela redio toksave olsem i gat wanpela meri i gat bikpela pen long bel bilong em," Lynette Dawo, wanpela komyuniti helt woka i tok. "Tasol tru tru, dispela meri i sindaun na silip wantaim dispela pen tripela o foapela de pinis, na toksave nau tasol i kam long mipela bikos man bilong em i mas wokabaut sampela de long kamap long wanpela redio bilong salim toksave i kam."

Raikos eria bilong Madang i sindaun long wanpela sait bilong boda wantaim Morobe provins.

Eria i bikbus, na i gat planti maunten.

Ol pipel bilong em i sindaun bihainim wanpela longpela nambis long Astrolabe Be i go long Wasu long Morobe. Planti moa i sindaun insait long ol maunten i lukluk i go daun long nambis. Trenspot em i wanpela bikpela hevi tru long taim bilong medikal imejensi o birua.

Lynette na ol arapela helt wokman long Sidor i gat bikpela bilip na bel tru long wok halivim, olsem ol helt savemanmeri. Tasol dedikesen na bilip bilong ol i no save inap long sevim planti laip bikos i nogat gutpela trenspot sistem.

"Em i wanpela sore ples long wok," Lynette i tok. "Ol pesen bilong mipela em olsem ol famili bilong mipela."

Em i tingim wanpela taim em i askim long wanpela medivak bilong wanpela meri i bungim birua long taim bilong karim. Em i dai taim Lynette na ol arapela wokman i wok traim painim

wanpela bot. "Mi kraik long em. Mi go long helt ofis, na mi askim: watpo na i longpela taim tumas long yupela i painim bot. Mipela i larim em i dai."

Saidor i bin gat wanpela solwara ambulens, tasol helt senta i no bin gat inap mani long stretim bihainim long em i bruk daun tenpela yia i go pinis. Ol bilding bilong helt senta yet i nidim bikpela wok stretim. Ol wokman i tok olsem olgeta mani ol i gat i save go long sevim laip bilong ol manmeri tasol. Trenspot tasol i save kaikaim bikpela hap bilong wanem liklik hap mani ol i save kisim long helt senta.

"Sampela taim mipela traim askim ol pesen yet long peim ol imejensi trenspot," Gabriel Puak i tok. "Tasol ol i nogat mani tu. Trenspot hevi i save bagarapim tru sindaun bilong lokol ekonomi na strong bilong ol long mekim mani bilong ol yet."

Gabriel i gat wanpela Basela Digri long Midwaiferi. Long Saidor, em yet i daunim namba bilong ol meri i save dai long taim bilong karim. Em i save em i ken mekim moa gutpela wok, sapos em i gat inap mani, na rot bilong karim na skelim ol marasin na wokmanmeri i go long olgeta liklik ples i nidim helt sevis.

"Sampela taim mi save sindaun long haus na tingting, watpo mama karim mi long hia, na watpo mi bihainim dispela wok. Mi gat save bilong mekim wok, tasol bai mi go olsem wanem long painim ol dispela lain i nidim halivim?"



LAKI: Dilung Gama na pikinini meri bilong em Martina.



DAWO: "Mi kraik long em...Mipela i larim em i dai."

Lo na Oda long Lae i bagarap

Bustin Anzu i raitim

LAE siti nau i no gutpela hap ples bilong stap, raun, slip na wokim bisnis.

Lo na Oda i bruk daun pinis na bisnis na ol manmeri bilong Lae i pret long mekim wok bilong ol. Ol lain bilong lo ajensi mas kamap

wantaim sampela gutpela plen long daunim dispela ol hevi.

Ol lain bilong gavman tu mas luksave long hevi bilong lo ejensi na mas helpim ol long ol samting bilong wok o risos, we ol bai yusim long mekim wok.

Ol i noken sanap, pasim han na tok em samting bilong ol yet. Ol i

nidim sapot bilong olgeta lain long kamapim bek Lae long we bilong em long bipo.

Bihainim long polis i go daun wantaim risos bilong wok, pasin raskol i kamap bikpela insait long Lae siti. Dispela i pretim tu bisnis insait long siti. Namba bilong manmeri insait long siti i wok long igo antap yet.



ERIKU STRET: Eriku bas stop, we oltaim save pulap wantaim ol manmeri. Pasin bilong pulim beg, sekim bilum na hensapim ol pasindia save kamap oltaim long dispela hap. Nogat inap polis lain long mekim wok bilong ol long dispela hap long olgeta taim.

Grin Siti na Siti Kaunsil

Lae, wanpela naispela ples bilong kisim win na raun na lukim ples.

Em i bin kamap wanpela 'grin siti' long wanem, olgeta samting i grin na gutpela ples olgeta. Olgeta samting i kamap grin long wanem, ren i save pundaun olgeta de na i no save drai olsem ol narapela ples.

Manmeri i lukautim hap ples bilong ol yet, we ol i stap long en. Olgeta i wok bung wantaim long kamapim em olsem wanpela naispela ples.

Ol rabis kar i kam na rausim ol

rabis long taim. Ol strit lait i wok na rot insait long siti i stap gut.

Ol dispela samting nau ino moa stap.

Grin siti nau i senis igo long pot hol siti long wanem i gat planti pot hol insait long siti, we save kamapim planti hevi bilong ol manmeri i gat kar long en.

Ol rabis i pulap long olgeta hap na ol manmeri tu ino tingting long helpim ol yet long rausim na mekim ples i kamap naispela na gutpela.

Ol strit lait i no moa wok long planti hap insait long siti. Planti i no wok na bagarap. Siti Kaunsil i no gat mani long stretim dispela ol pawa lait bilong siti.

Ol rot insait long siti i bagarap nogut tru. Na i luk olsem ol dispela rot bai kisim sampela taim long stretim. Ol bikpela rot insait long siti i kamap gut gen bihainim long Nesene Gavman i givim sampela mani long stretim. Tasol ol narapela han rot bilong siti i stap wankain yet.



PIPIA LONG TAUN: Kain rabis olsem i save pulap long olgeta hap na nogat lain i save rausim. Dispela rabis em antap long ova het krosing bilong Eriku bas stop.

Lae taun i no moa olsem bipo...

Bisnis

Bipo na bihain tasol long independens, wok bisnis i kamap isi isi na kamapim wok bilong ol manmeri bilong Papua Niugini.

Lae i bin kamap olsem wanpela siti bilong wok. Planti ol bikipela faktori bilong wokim ol samting i kamap long Lae.

Kain faktori bilong wokim basket, simen, kakaruk, plaua, tin pis, mailo, nudels, kamapim pepa na planti ol narapela wok. Wok bisnis i kamap bikipela na planti manmeri i wok.

Dispela ol wok bisnis i pulim planti manmeri i go long Lae na bisnis i wok long groa na planti faktori i wok long kamap na Lae i kamap olsem wanpela industrial siti.

Lae i kamap hetkwata bilong industrial siti. Na planti ol narapela wok bisnis olsem long transport na infomol sekta bisnis tu i wok long kamap bikipela. Dispela i pulim planti manmeri long igo na wok.

Wok bilong maining long Hailans i kamapim Lae olsem wanpela poin bilong bungim ol samting igo antap. Olsem samting i kam long sip long ovasis kantri, i kam sua long Lae na bihain kisim rot igo antap long Hailans, ples olsem Porgera long Enga na Kutubu na Moro long Sauten Hailans provins.

Nau yet, Lae em wanpela bikipela industrial siti bilong Papua Niugini na wok bisnis i wok long go het yet.

Tasol wok bisnis i no inap long givim wok long olgeta manmeri insait long kantri. Em i ken givim wok long ol manmeri we em i ting em i ken givim. Na planti bilong ol dispela manmeri, em bai nogat.

Olsem na ol save painim sampela narapela kain wok long helpim ol yet long stap long Lae siti.

Transpot

Wok bisnis bilong transpot tu i kamap bikipela insait long Lae siti na dispela i no bilong siti yet. Nogat, em i sevim Papua Niugini na saplaim kaikai na kago i go long Hailans.

Planti kar kampani i kamap long Lae na i go kam long Hailans. Wantaim wok maining insait long kantri, Lae i kamap olsem wanpela senta poin bilong ol dispela samting long i go kam.

Lae tu i kamap wanpela bikipela wof o si bris bilong Saut Pasifik. Na dispela i mekim planti ol bikipela sip bai kam sua long Lae long kisim na rausim kago.

Gavman i spendim planti mani long kamapim na kirapim dispela si bris i go long intanesenel stendad we ol traipela na bikipela sip bilong narapela kantri i ken kam sua long solwara bilong mipela long Lae.

Na ol dispela kago em ol bikipela na longpela kar i karim i go antap long Hailans na Madang tu. Ol i no kam na pinis long Lae tasol, nogat, ol i go olgeta long Hailans we i gat manmeri long en.

Ol Hailans i save karim ol kaikai bilong i go long Pot Mosbi i save i go long Lae na putim i go long sip na save karim i go long wanem, pe bilong baim sip na salim i go em i daunbilong balus.

Edukesen

Planti ol koles na ol narapela bikipela institusen tu i stap long Lae, we save bringim planti yangpela manmeri bilong Papua Niugini i go long Lae.

Bikipela Yunivesiti bilong Teknoloji o Unitech, skul ov nening, trening bilong wok diwai o timba, tisa na teknikal koles na ol narapela skul bilong bisnis i stap long Lae.

Ol dispela skul i mekim planti ol yangpela i go long Lae long kisim o lainim save.

Na dispela i save pulim planti sumatin i go long Lae long skul na bihain painim wok.

Momase Hetkwata

Tu, Lae i hetkwata bilong Momase na dispela i save pulim planti manmeri bilong Momase yet na ol narapela provins bilong Hailans long i go wok long Lae.

Lae i save lukautim Lae yet, Morobe, Madang, Is na Wes Sepik long ol wok, bisnis, skul na ol narapela wok. Olsem na Lae em i namba wan siti bilong wokim bisnis bilong ol pipel bilong Momase.

Planti wok bilong bisnis na koles bilong skul tu i stap long Lae, olsem na em i groa hariap tru.

Rot bilong Hailans tu i join wantaim Madang na Morobe na dispela i pulim planti lain long go long Lae, Morobe na Madang.

Lo na Oda

Taim ol i wokim olsem, ol i pulim hevi bilong lo na oda i go insait long Lae siti. Na dispela i putim planti presa long ol lain husait igo save go pas long lo na oda, olsem polis.

Taim planti bisnis na skul i ron, em i save pulim ol narapela manmeri tu igo long dispela hap.

Na dispela i kamapim planti setelmen insait long Lae siti nating nating na mipela ino save sapos dispela ol setelmen i kamap long graun bilong gavman o kamap long graun bilong asples.

Tasol ol setelmen i gro na tu lo na oda i kamap hevi gen.

Ol dispela setelmen i save i gat kain kain manmeri i stap. Planti bilong ol dispela i gat gutpela lain i stap. Na tu, i gat planti ol lain nogut i stap.

Taim ol lain nogut i wokim trabel, ol gutpela lain ino save tokaut long ol lain bilong lo long wanem, ol i stap long sem hap na nogut ol i bagarapim ol bihain taim.

Dispela i save pasim ol long givim stori long polis long wanem, ol i stap wantaim na lukim samting i kamap tasol ol ino inap long tokaut.

Olsem na Lae ino moa seif ples long wok na raun.

Ol bas stop olsem Eriku ino moa gutpela long yusim. Planti ol mangi nogut i save stap na pulim ol beg na samting bilong ol mama na meri. Dispela i kamapim bikipela hevi insait long siti.

Hailans men bas stop tu ino gutpela. Ol yangpela man i save holim naip na hensapim ol manmeri na kisim ol samting bilong ol.

Long taun tu, pik poket igo bikipela na long men maket, planti mama i save komplek long ol samting bilong ol i lus o ol i stil.

Kilim man o meri i dai na repim meri o holim pasim meri na mekim pasin nogut i kamap bikipela nau.

Ol manmeri i pret long helpim o poret long ripot igo long polis.

Polis

Polis nau i sot long polisman meri long mekim wok bilong ol long lukautim Lae siti, ol pipol na propeti bilong ol.

Namba bilong polis nau insait long Lae siti em samting olsem 270. Lukim o tingim dispela namba na namba o Populesen bilong Lae siti. Populesen bilong Lae siti em

sanap olsem 500, 000.

Na dispela i no klostu long namba bilong polisman meri insait long Lae siti. Namba bilong manmeri i winim namba bilong polis.

Yunaited Nesen lo i tok 260 manmeri mas i gat wanpela polisman o meri i lukautim ol. Na long Papua Niugini, dispela ino inap.

Long Lae, wanpela polisman o meri i ken lukautim samting olsem 1100 na dispela em bikipela asua. Olsem na polis ino inap i stap long olgeta hap bilong Lae siti.

I no Lae tasol, olgeta hap long Papua Niugini. Polis ino inap long stap long olgeta hap long ples we i gat hevi.

Hevi bilong namba bilong polis fos long igo antap em stap yet. Olgeta yia, gavman i tok long bringim bek namba bilong polis igo antap tasol em i no save mekim.

Ol risos bilong wok olsem kar ino stap moa. Dipatmen i no baim ol nupela kar na givim gen.

Taim olpela Polis Komisina Gari Baki i tok long stopim ol kar, Lae polis i givim olgeta kar bilong ol i go bek long Woks.

Na long dispela taim i kam inap nau, nogat moa nupela kar bilong wok. Na planti taim, ol lain komplek o laikim helpim bilong polis i save helpim ol long mekim wok bilong ol.

Helpim bilong Gavman

Taim ol i pasim wok bilong Woks dipatmen, planti ol polis kar ino moa wok long rot. Woks dipatmen i tambu long stretim ol kar bilong polis, wankain long ol narapela dipatmen ka tu. Na Woks dipatmen woksop i pas.

Nesenel Gavman i no luksave long hevi bilong kar long mekim wok bilong olgeta stesin insait long Lae siti.

Ol i no givim wanpela nupela kar insait long las tupela yia. Na dispela askim i stap yet.

Provinsel Gavman i bin helpim wantaim ol kar bilong Tas Fos insait long siti.

Morobe Gavana Luther Wenge na Lae MP na nau Minista bilong Pablik Sevis Bart Philemon ino luksave long sait bilong kar.

Philemon i givim sampela helpim long ol polis insait long 19-pela yia bilong em long Nesinol Palamen. Helpim bilong em em long helpim na penim polis stesin long taun.

Na tu, sampela yia i go pinis, baim wanpela polis kar bilong 10 siti polis stesin.

Wenge i bin promis long givim K300, 000 long 2006 na dispela promis bilong em i stap yet.

Ol narapela Memba bilong Palamen (MP) long Morobe i helpim ol polis stesin bilong ol long rurel eria na helpim polis gut tru.

Bung tingting

Bisnis insait long Lae siti, gavman na ol narapela lain o stekholda mas bungim tingting long wok wantaim.

Em i tru olsem wok bilong helpim polis long menpawa na risos em i wok o han bilong gavman, helpim bai ino inap kam hariap o nau yet.

Taim ol i wet long helpim i kam, ples bai bagarap na nem nogut bilong Lae bai kamap bikipela.

Olsem na em i moa beta long olgeta mas wok bung wantaim long daunim dispela hevi bilong lo na oda.

Komyuniti mas helpim polis na toksave long wanem hap ol man nogut i stap. Ino ol bai kam soim pes long stesin tasol i ken ring na toksave long hait ples bilong ol man nogut.

Dispela em wanpela gutpela rot bilong daunim hevi bilong ol man nogut.

Ol stekholda mas mekim wan kain tu long daunim hevi. Polis wanpela tasol bai ino inap long stopim hevi.

Pinisim toktok

Long las mun i kam inap nau, planti hevi i bin kamap insait long Lae siti long sait bilong lo na oda. Na planti dai i bin kamap. Na ol narapela hevi, olsem repim ol meri na sekim ol samting bilong ol mama long bas stop.

Ol dispela samting i sut long mak bilong ol lo ajensi olsem ol ino mekim wok bilong ol.

Planti i sutim tok o makim han long polis olsem ol ino mekim wok bilong ol.

Sapos yu lukluk gut, bai yu painim aut olsem ol polis i nogat inap namba long mekim wok bilong ol. Ol i sot long polis namba. Namba nau i stap em ino inap long lukautim populesen bilong Lae siti.

Ol risos olsem kar i nogat nau. Polis insait long siti i sot nogut long kar long mekim wok bilong ol.

Sapos ol i ting olsem polis tasol long mekim dispela wok, em bai ino inap kamap bihainim tingting bilong ol.

Ol asples Morobe na ol kam lain long graun bilong Morobe, ol mas wok wantaim long daunim hevi bilong lo na oda insait long Lae siti.

Ol noken larim dispela hevi igo bikipela. Dispela i ken kamapim sampela hevi long bihain taim olsem bisnis i klos daun na muv i go long narapela hap provins long mekim wok bisnis.

Sapos Nesenel Gavman i gat tingting long Lae siti olsem wanpela industrial siti, ok ol mas givim mani wankain olsem ol i givim long wokim rot bilong Lae siti. Na dispela mani ken yusim long helpim ol lo ajensi long mekim wok insait long siti. Nogat, hevi bilong Lae siti bai stap yet.



STRETIM ROT:Nesenel Gavman i putim moa long K100m long stretim ol rot bilong Lae siti.



LAE PMV: Dispela kain pasin bilong kalap long bas sapos planti manmeri i sanap long ol bas stop.



EM INO INAP:Namba bilong polis insait long Lae na kantri i no inap long luksave long hevi bilong lo na oda.

Tupela man PNG trening long Yunaited Stet



TRENING TAIM: Philip na Onda long trening taim bilong ol. Poto: ExxonMobil Pablik Rilesens



RILEKS: Onda na Philip long han sut wantaim tripela poroman bilong ol bilong Nigeria na Equatorial Guinea i raun long bikpela so long Amerika em Stet Fea bilong Texas. Poto: ExxonMobil Pablik Rilesens

TUPELA man PNG i stap long 6-pela mun Baio Medikel Trening skul long Yunaited Stets bilong Amerika (US) na taim ol i kam bek long PNG, ol bai helpim gut komyuniti, provins na kantri.

PNG LNG Projek we Esso Hailans Limitet i operetim i sponsaim Philip Kandaki bilong Kundiawa Jenerel Haus sik na Onda Kupri bilong Hagen Jenerel Haus sik long skul long 6-pela mun long Elisabeth Dahan Humeniterien Senta, MediSend Intanesenel hetkoto long Dallas, Texas long Amerika.

Dispela em namba tu lain we PNG LNG Projek i salim ol lain long PNG i go skul long bikpela medikel skul long Amerika.

Namba wan lain we projek i bin salim long las yia na ol i pinsim skul bilong ol, greduet na kam bek long stat bilong dispela yia em, Tobias Gual na Sam Owil.

Tupela i wok i stap nau long Mendi Jenerel Haus sik long Sauten Hailans na yusim ol save we ol bin lainim long MediSend Intanesenel hetkoto long Dallas.

Ol lain sumatin i skul long MediSend Intanesenel i kam long olgeta hap bilong wol.

ExxonMobil opis long Mosbi i tok ol lain i save stap long klasrum lekisa skul olgeta de long MediSend Baiomedikel Ripea Trening laboretori na long ol wiken, ol i save stadi long traim pinsim dispela bisi progrem.

Tasol i no long taim i go pinis, ol sumatin i bin kisim gutpela malolo taim ol i lusim ples bilong skul na go stap long bikpela fea o so long Amerika, em long Stet Fea long Teksas (Texas).

Opis bilong ExxonMobil i tok tupela Philip na Onda i bin amamasim de wantaim ol narapela sumatin poroman sumatin bilong Nigeria na Equatorial Guinea.

Belinda Minyard em

Menesa bilong Studen Sevis long MediSend Baiomedikel Ripea trening Progrem husat ol treni i kolim long "Mama BJ" i tok ol sumatin i bin lukim na testim ol nupela kain kalsa na kaikai bilong Teksas long Stet bilong Teksas Fea.

Mama BJ i tok ol sumatin "I bin kaikaim rot bilong ol long fea" long ol kaikai olsem kon, prailek bilong teki, ol fanel kek em wanpela kain kek we planti i save laikim tumas.

ExxonMobil opis i tok MediSend i save givim trening long ol woklain bilong ol haus sik long wol long sapotim na strongim ol helt sevis na komyuniti helt kea.

Tupela Philip na Onda bai kam bek long PNG long mun i kam wantaim ol save ol i lainim long putim, mentenim na riperm ol stretim ol baiomedikel ikwipmen, na go wok long ol wan wan haus sik bilong ol.

UPNG sainim wok patna wantaim CPA PNG

OL LAIN i laik mekim skul long kamap ol akaunten long ol provins bilong ol yet i gat sans nau long inapim driman bilong ol, na tok tenkyu i go long Yunivesiti bilong PNG (UPNG) Open Kolis.

Setifaid Satad Akauntens PNG (CPA PNG) i patna wantaim UPNG Open Kolis na bai yusim ol risos bilong Open Kolis long givim skul i go long ol akaunten long kantri husat i painim profesenel setifikesen.

Dispela wok patna bai helpim planti akaunten bilong dispela kantri husat i stap longwe long ol CPA PNG skul.

Presiden bilong CPA PNG, Dokta Ken Ngangan i tok i mas gat gat nid long ol pablik sevan akaunten long ol provins na ol distrik i apgretim ol kwalifikesen bilong ol na ol i ken menesim gut ol akaun long dispela level.

"Yumi olgeta i save long ol hevi i stap long ol provins na ol distrik long menesim ol akaun long wanem, nau ol i givim wok long ol akaunten long givim auto I DSIP fan.

"Olsem wanpela fainensel institusen we i



WOK PATNA BAI HELPIM OL AKAUNTEN: Ol bikman bilong CPA PNG na UPNG Open Kolis i sainim MOA long wok patna wantaim. Poto: UPNG Pablik Rilesens

gat luksave. Dispela em i wanpela rot we yumi ken sapotim ol akaunten long redi gut na karimaut gut ol wok bilong ol," Dokta Ngangan i tok.

Em i tok CPA PNG i gat wok long edukesen long dispela kantri na em bai wok wantaim UONG

Open Kolis long lukim olsem MOA Agrimen ol i sainim i wok gut.

Eksekyutiv Dairekta bilong Open Kolis, Profesa Mannan long taim bilong saining i bin tok dispela wok patna namel long tupela bai strongim nupela daireksen bilong institut na dispela em long "wok

patna wantaim ol narapela olsem wanpela risos ejensi".

Em i tok Open Kolis i patna pinis wantaim ol narapela institusen long kisim edukesen i go long ol pipel na tu, long strongim populesen.

"Mipela i opim Open Kolis long wokbung wantaim ol narapela ausait institusen na

mipela i lasikim ol narapela institusen long yusim ol risos bilong mipela i stap long olgeta hap bilong kantri," Profesa Mannan i tok. CPA PNG na UPNG i gat wok patna i stap pinis we ol i gat join MBA CPA progrem we Skul bilong Bisnis Edministresen i save ranim.

TELI Apdeit

Citifon Rait Dual SIM Fon
Citifon i autim pinis Rait Dual SIM Fon wantaim ol arapela handset bilong en. Dispela nupela ofa bilong dispela handset em i K199.00 tasol wantaim wanpela bonus fri K50 Telikad bilong Pot Mosbi na Lae tasol. Dispela ofa i op inap olgeta stok i pinis.

- Ol samting long Rait Dual SIM Fon
- 1 x data ekkes
 - FM Redio
 - Maikro SD kat
 - 1.3 Mega piksel Kamera
 - Dairek Intanet Ekkes
 - Audio pilaia
 - Bluetooth
 - Vidio
 - Java
 - Dual Sim – Citifon na GSM

Veliu Eded Sevis
Taim yu yusim Rait Dual SIM Fon, yu ken kisim ol dispela Veliu Eded Sevis.

- SMS Benking
- Musik sanel
- Vois Mesej
- Kredit Transfe
- Intanet

WE BILONG YUSIM INTANET WANTAIM RAIT CITIFON BILONG YU

- Setim RAIT Citifon bilong Yu
1. Go long menu
 2. Silektim WAP aikon na wetim koneksen
 3. Presim rait sotkat ki long lukim WAP menu
 4. Skrol i go daun na silektim ol settings
 5. Makim http na makim proxy
 6. Makim intanet na silektim edit
 7. Givim Paswot, Yusa nem na sevim

Access Intanet Yusim Fon bilong Yu

8. Lukim men menu long silektim intanet aikon
9. Dabol klik long intanet aikon long yusim intanet.

WE BILONG KISIM INTANET YUSIM WANPELA DAIL AP KONEKSEN WANTAIM RAIT CITIFON I KONEK LONG PC BILONG YU

Instolim 1x Dail-Ap long PC bilong yu


1. Sekim CD i kam wantaim fon bilong yu.
2. Konektim fon bilong yu i go long PC wantaim USB kebol.
3. Long kamapim wanpela nupela dai lap koneksen, go long 'My Network Places' na silektim 'create a new connection'.
4. Silektim nupela koneksen wisat na klikim next
5. Silektim konekt i go long intanet na klikim next
6. Silektim set my connection manually, na klikim next
7. Silektim using a dial up modem na klikim next
8. ISP nem, taipim telinet na klikim next
9. Bilong Fon namba long dailim, taipim #777 na klikim next
10. Intanet akaun infomesen, taipim yusa nem, olsem: 6574444@telinet.net.pg, bihain entarim paswot na klikim next.
11. Pinisim nupela dai lap koneksen na klikim finish.
12. Konektim long dail ap koneksen bai kamap long desktop.

Konekt long Intanet yusim fon bilong yu i go long PC bilong yu

13. Konektim fon bilong yu i go long PC bilong yu, wantaim USB konekta i stap.
14. Dabol klik long Dial Up koneksen aikon i stap long desktop.
15. Yusanem na Paswod, masin i sevim pinis.
16. Silektim dial long konekt na wetim yusanem na paswot bilong yu i orait.
17. Taim yu konekt gut pinis long daila aikon bai kamap na soim olsem yu konekt pinis.
18. Orait, go long intanet sait long desktop na dabol klik long yusim intanet.

AMAMAS WANTAIM OL NAMBA WAN RET LONG PNG WANTAIM CITIFON

Kol/1 min Wan wan sms
Citifon I GO LONG Citifon 2t 1t
Citifon I GO LONG Bemobail o Digicel 39t 10t
Citifon I GO LONG LENLAIN 29t
Citifon I GO LONG FIXED WAIALES29t
Ol Ret i wankain Olgeta De na Olgeta Nait!
Intanet ret: 29t/mb
24/7 Kastoma Kea: Ringim 3456789



215 milian pipel no nap kisim famili plening

SAMTING olsem 215 milian meri long ol developing kantri o ol kantri i wok long groa yet long wol i nogat rot long kisim famili plening, Yunaitet Nesens opis long Mosbi i tok, taim em i tokaut long ol salens, ol sans na ol eksen wol bai bungim taim populesen bilong wol inapim 7 bilien mak long dispela wik Mande, Oktoba 31.

Opis i tok wol i gat 7 bilian pipel em i wanpela salens, na ol disisen yumi mekim nau bai stiaim rot sapos yumi ken stap gut wantaim long heliti planet.

Tu, planti long ol samting i karamapim heliti pipel, gutpela sindaun na piksa na level bilong kantri

i go antap i stap long helt bilong ol mama i karim na ol bebi i stap laip.

"Deit we yumi inapim neks bilian na ol dispela i kam bihain i stap long ol polisi na fanding disisen yumi mekim nau long helt kea bilong ol bel na i karim mama na ol bebi, rot long kisim volanteri famili plening, edukesen bilong ol pikinini meri na givim moa sans long ol meri," Eksekutiv Dairekta bilong Yunaitet Nesens Populesen Fan (UNFPA), Dokta Babatunde Osotimehin, i tok.

Em i tok ol dispela wari i karamapim pipel, ol mama, pikinini na ol eria olsem i stap long olgeta hap bilong wol (transnational issues) na i singau-

tim olgeta long wok bung wantaim long dispela wol we moa yet nau, yumi wok long serim planet.

Taim em i toktok long dispela 215 milian mama long ol kantri i wok long develop i nogat rot long kisim famili plening, em i tok wok wantaim long lukim olsem olgeta pikinini i gat famili we laik pasin i stap, ol mama i seif na karim gut pikinini bai strongim ol famili na moa sans long ol meri.

Populesen bilong wol i groa na dabel na stat long 1968, em i groa long 40 pesen mak na long 1987, em bin kamap long 5 bilian.

Liklik histori bilong wol populesen em, long 1804, populesen bilong wol i bin

makap long wan bilien mak. Na em bin kisim 123 krismas long dabel i go long tu bilian long 1927.

Bihain long dispela, wol populesen i wok long groa bikpela hariap na insait long 32 yia long 1959, em i kamap long tri bilian mak. Fiftin krismas bihain long 15 yia long 1974, em i kamap long 4 bilian mak.

Tasol long nau, bihain long olgeta 13 krismas, wol populesen i save groa long mak bilong wan bilian na dispela i wanpela salens. Olsem na Yunaitet Nesens i yusim 7 Bilian Pipel kempain long autim ol salens na tu ol sans

long stap insait long wol wantaim 7 bilian pipel.

Sapotim gavman long Ikwaliti Bil

SINGAUT i go aut olgeta man na meri long sapotim gavman bilong PNG long tok oraitim 22 Risev Sit bilong ol Meri o Ikwaliti Bil bai Palamen sindaun long dispela mun (Novemba) i glasim na wokim fainol vot long em long mekim em i kamap loa o nogat.

Man i makim UN long PNG, David MacLachlan Karr i tok olsem long makim Yunaitet Nesens (UN) Mosbi opis long ol toktok bilong em i makim bonde bilong ogenaiesen long las wik Mande, Oktoba 24.

Mista MacLachlan Karr i tok sapos gavman i tok oraitim dispela bil o loa, em bai namba wan rot PNG bai kisim long edresim pasin we ol meri i stap daubilo long ol man o we ol meri i no stap long wankain level olsem ol man long olgeta eria bilong wok, stap, sindaun na laip.

Mista MacLachlan Karr i tok UN i laik kamapim gut laip na sindaun bilong ol meri na pikinini na tu, olgeta pipel long PNG nau na long bihain taim. Na wanpela rot em i mekim em long sapotim strong edukesen bilong ol pikinini meri.

"Long lukim olsem man na meri wantaim i kisim wankain long luksave na sanap long wankain level long PNG, sapot i mask am long ol man na meri wantaim. Ol meri i go long skul na ol i gat save na tu, ol i

luksave long ol rait bilong ol, em bai kamapim gut laip na stap bilong ol meri na ol bai kontribuit long ol wok go het long famili, komyuniti na kantri. Dispela bai kamapim gut ol samting long kantri nau na long bihain taim.

"Taim mipela i putim ikwaliti bilong ol meri na ol pikinini meri long namel bilong ol polisi na ol progrem, UN i wok long lukim olsem bihain taim bilong PNG i gutpela," Mista MacLachlan i tok.

Mista MacLachlan i tok populesen groa i save kamapim hevi long ol risos, environment klaimet i senis na ol pipel i save kisim taim nogut na kamap moa turangu. Long wol, ol loa na ol tumbuna pasin i save stopim ol meri na ol pikinini meri i go long skul, long kamap ol mama-graun, long gat ol propeti,

"Klaimet senis i save bagarapim ol wok long daunim sot long samting o turangu pasin taim i gat bikpela san i bagarapim ol gaden kaikai, bikpela ren na taitwara samting. Maski PNG i gat planti naturel risos, em i wok long bungim ol hevi taim populesen bilong em i wok long go antap moa.

"Na ol meri wantaim ol pikinini meri i save bungim ol hevi moa moa yet bikos ol i no moa bisi long ol nits bilong ol taim ol salens we sot long samting i karamapim

ol. Long wol tu, ol tumbuna pasin na ol loa i save stopim ol meri na ol pikinini meri long noken go long skul, gat graun, kisim ol propeti o ol samting taim papa na mama i dai, kisim kredit o dinau, kisim trening na muv i go antap long wok eria bilong ol," Mista MacLachlan Karr i tok.

Em i tok puo riprodaktiv helt em i as long planti dai i kamap na bagarapim ol meri we krismas i stap namel long 15-49 krismas long ol kantri i wok long develop na PNG i stap long en.

Em i tok moa long 350,000 meri i save dai long olgeta yia na wanpela long olgeta wan wan sekong long ol hevi ol i bungim taim ol i laik karim bebi. Na klostu olgeta ol i kamap long ol developing kantri.

Em i tok long dispela tasol na UN Sekreteri, Ban Ki-moon i bin lonsim "Every Woman, Every Child" progrem las yia long soim olsem UN i gat wok long kamapim gut helt bilong ol mama na pikinini long ol developing kantri na moa pikinini krismas bilong ol long taim mama i karim inap long 5-pela krismas i ken stap laip. Na moa mama i stap laip taim ol i karim pikinini.

Long PNG yet, long 100,000 laip pikinini, 733 mama i dai taim ol i karim bebi na dispela mak i wanpela long ol i stap antap tru long wol.

DIGICEL SAPO-
TIM: Nobail kampani i givim sapot bilong em long Westpac Meri Bisnis Awot we westpac benk i save putim kamap olgeta yia long givim luksave long ol meri i ranim gut bisnis bilong ol. Poto i soim wanpela wokmeri bilong Digicel i givim sapot long wanpela bikmeri bilong Westpac Benk.



GLOBE
....the perfect choice
VITAMIN ENRICHED
More Easy, More Tasty, More Healthy.

GLOBE
....the perfect choice
1 kg Rice
NET MEDIUM GRAIN



Yut, Meri na Famili wantaim Lorraine Siraba

PNG pipel i mas lukautim ples na helt bilong ol

Mi BIN ron long kar olsem i go olsem long Gordons maket bas stop long Nesenel Kapitel Distrik na ol hap klostu na ples i bin luk deti nogut tru.

Long sait bilong wanpela pablik strit, wanpela "sewerage" paip o paip i save karim pekpek long ol taun haus i bruk na op i stap. Na ol pipia pekpek i kapsait long rot na i go long wanpela baret i ron klostu long ol stoa eria.

Klostu long ol stoa bikpela pipia i bung i stap we dispela wara i karim pekpek i bungim na dispela i no gutpela long helt bilong pablik.

Wanpela samting mi kirap nogut tru long en em na ol narapela i lukim em ol manmer i i no bisi long dispela samting i smel nogut i stap long a i bilong ol. Ol i kaikai, toktok stori stap na salim kaikai na buai i stap olsem nogat samting nogut i ken bagarapim helt bilong ol na ol kastoma bilong ol tu.

Wanpela meri i save go na i kam long Gordons maket i tokim mi olsem ol dispela lain i salim ol samting long dispela hap i no bihainim loa. Ol polis i save ronim na rausim ol, tromoim ol bua i bilong ol i go long dispela deti pekpek wara tasol taim ol polis i go pinis, ol maket lain i save go kisim bek gen ol buia samting long ol deti hap, draim na salim i go long ol kastoma husat i nogat save long trupela samting.

Dispela kain pasin tasol long i no harim tok na mekim stretpela samting i save kamapim ol kain sik olsem kolera, taipoit, pekpek wara na ol narapela sik yumi ken stopim, tasol ol manmeri na pikinini i dai long en.

Olsem na i bikpela samting long promotim helti laipstail i go long ol grasrut manmer i bilong dispela kantri. Helt literesi i min olsem rit na save long wanem kain sik, wanem marasin dokta i raitim, hamas long kisim na long wanem taim, tasol bikpela samting em long mekim ol disisen we bai helpim long yu stap helti. Wan wan manmer i i mas lukautim helt bilong em.

Tude yumi stap long narapela kain taim we ol kain sik i wok long kamap hariap na kilim dai planti pipel. Piksa em long kantri Gemani we i no long taim i go pinis, planti pipel i bin da i bihain long ol i kaikaim kumu i gat pipia posin long em. Na long PNG yet, sik kolera i bin kamap long planti provins na kamapim sik na dai long planti lain. Taim pipel i no gat kliapela save long helt na haijin bilong ol na ol narapela helt isu, ol bai tromoim moa mani long ol helt sevis na helt bilong ol tu bai no inap gutpela. Taim ol manmeri i klias gut long helt na haijin na wanem samting i kamap long bodi bilong ol, ol bai save gut na mekim samting long stopim sampela sik i kamap long ol, olsem sik kensa.

Plantu manmeri long dispela kantri i save spet buia natong na nabaut long ples wantaim nogat luksave long ol narapela. Dispela i soim olsem ol pipel i nogat save long besik helt na haijin long lukautim gut ol yet. Pasin bilong spet bua i nabaut em i as long sik TB i wok long kalap long planti manmeri na pikinini.

Long stap helti na kontribuit long go het bilong sosaiti, yu no inap tromoim wanpela mani, nogat. Bai yu givim tasol taim bilong yu na laik long lainim ol samting long sait bilong helt. Long tude, i gat planti ol risos samting i stap bilong helpim ol manmeri long helt, haijin na gutpela helt kea. Em long Intanet, awenes we planti grup i givim na ol drama grup, edukesenel redio na ol TV progrem.

Laipstail bilong planti bilong yumi i no gutpela na taim yumi kamap long namel mak bilong laip o kamap lapun, yumi save sik planti. Na yumi save i go na i kam long haus sik.

Helt literesi o lukatim helt bilong yu i min olsem taim yu go lapun, bai yu stap amamas bikos helt bilong yu bai gutpela.



CARITAS: Ol i skul meri bilong Caritas Gels Teknikel Sekonderi skul i mekim wok long kompyuta i stap.



PNG SUSTAINABLE DEVELOPMENT PROGRAM LTD



Notre Dem Sekonderi skul Domotori Projek

52 meri sumatin nau i gat gutpela rum long slip long skul na pinisim gut sekonderi level edukesen bilong ol insait long Westen Hailans provins.

Tasol tru tru sindaun bilong yumi, em wanpela bikpela samting planti ol skul i wok long givim hevi long ol papa mama long painim rum long slip bilong ol pikinini, na dispela i save kamapim kain kain hevi long sindaun. Ol yangpela meri em ol lain i save kisim bikpela birua long dispela.

Tasol PNGSDP i ken halivim na bekim askim bilong sampela gutpela rum slip bilong ol sumatin.

Notre Dame Sekonderi skul i sindaun 30 minit ausait long Maun Hagen. Em i wanpela long foapela skul bilong ol meri tasol long kantri. Skul i bin kirap long 1969 long han bilong ol Sisters of Notre Dame. Taim namba i groa na i nogat inap rum slip bilong ol sumatin, skul i go aut na painim sapot bilong mekim dispela wok.

Long pinis bilong 2008, Bod bilong mi i bin amamas long tok oraitim K220,000 bilong konstraksen bilong wanpela 52-bet domotori long skul. Dispela projek i bin go het gut, na i bin pinis. Na nau tupela yia bihain, em i sanap gut yet, na 52 meri i save silip kirap long en. Mi lukim dispela olsem wanpela bikpela halivim PNGSDP i givim long divelopmen, tasol moa yet, long strongim divelopmen bilong moa long 100 yangpela meri husat bai givim han long strongim ekonomik na sosol divelopmen bilong kantri long ol yia i kam.

Edukesen i save larim ol meri na yanpela meri long makim kos na bihainim ol laik bilong ol long skul, kisim wokmani, kirapim wok bisnis, na skulim ol pikinini na famili. Em i save opim moa rot bilong ol meri long kisim wanem samting em bilong ol stret, insait long komyuniti. Sapos yu gat sans long go lukim Notre Dame Sekonderi Skul, na stap sampela minit stori wantaim ol sumatin, bai em i kamap klia long yu olsem skul i wok long divelopim ol yangpela meri husat i gat strongpela tingting na bilip long toktok na autim tingting bilong ol. Ol dispela yangpela meri bai strongim divelopmen long kantri.

Edukesen i stap yet olsem namba wan bikpela luksave bilong PNGSDP, na long mekim bikpela senis long laip bilong ol pipel long ol ruel erias. Mipela i bilip sapos yumi opim moa rot bilong ol meri na yangpela gels em i bikpela samting long mekim ol manmeri mobeta long kontribut long ekonomi bilong komyuniti bilong em, o long taun o long ples tu.



CEO: David Sode

From CEO's desk (Article #17 of 2011)

Wok painim i mas kamap long Laloki Helt Institut ... Luksave long Dokta Theo

SINGAUT i kamap long kari-maut wok painim long Helt Institut Biding long Laloki, hapsait long Laloki Saikaiatriks Haus sik bilong ol lain i gat sik long het.

Jenerel Sekreteri bilong PNG Komyuniti Wokas Asosiesen, James Amuna, i singaut long Helt Minista, Jamie Maxtone-Graham, bikos long dispela taim, ol man i wok long rentim ol rum na haus i go aut long pablik dispela ples bilong Helt Dipatmen i sapos long karimaut wok trening long ol helt woklain.

"Dispela ples i kamap olsem ples bilong slip long en. Pipel i wok long baim ren (rent) mani na stap long ol rum na ol haus, na sampela i karimaut wok bisnis long dispela eria" Nesenel Helt Plen 20121- 2020 i givim bikipela

lukluk long Humen Risos na dispela Institut em i bikipela samting long trenim ol Humen Risos o ol woklain bilong Helt Dipatmen. Na long lukim olsem ol i tanim dispela Institut i no gutpela," Mista Amuna i tok.

Mista Amuna i tok em i laikim Helt Minista long makim wanpela hai level grup long karimaut wok painim long dispela instittu na rausim olgeta lain husat i stap nau na rentim ol rum long ol bilding i stap.

Na kisim i go long kot ol lain husat i wokim ol dil i no stret na ol i wok long kisim bikipela mani na amamas i stap.

Em i tok sapos Helt Dipatmen i stap insait long dispela arensmen, watpo sampela ol helt woklain i no stap long hap?

"Ol helt woklain i wok long

painim ples long stap long en na go mekim wok long sevim gavman bilong tude," Mista Amuna i tok.

Mista Amuna i tok ol lain i stap long ol dispela Institut Biding i bagarapim ol pinis na Helt Dipatmen i mas karim bikipela sem long i no mekim samting long lukautim Institut.

Hap we ol Institut biding i karamapim em i bikipela eria, na Institut biding em i bikipela na naispela.

Wantok i kisim ol toktok olsem dispela naispela na bikipela bilding na ol narapela haus insait long Institut eria em gavman bilong Australia, aninit long AusAID i bin givim bikipela hap mani long mak bilong sampela milian Kina long sanapim Institut samting olsem 8-pela yia i go pinis.

Ol i sapos long opim na yusim longpela taim i go pinis, tasol hevi namel long ol papagraun long graun we Institut i sanap long en i mekim na institut wantaim ol biding bilong em i bin sanap nating long planti yia inap long tripela yia i go pinis taim sampela lain i go insait na putim ples i go long ren.

Long wankain taim, Nesenel Presiden bilong Komyuniti Helt Wokas Asosiesen, Dec Isaac i autim bikipela tok sori long dai bilong Dokta Likei Theo, em Helt Edvaisa bilong Morobe Provinsel Edministresen, husat i bin pondaun na dai las wik long Mosbi taim ol i wok long stap long Komisn bilong Inkwairi i glasim Helt Dipatmen na ripot long yusim mani.

Mis Isaac i tok Dokta Theo i

mekim bikipela kontribusen i go long Helt Sevis long Morobs na Nesenel Helt Dipatmen.

Mis Isaac i tok bikos long gutpela wok, luksave na sapot bilong Dokta Theo na Morobe Provinsel Edministresen, na wok bung namel long Nesenel helt Dipatmen na Dipatmen bilong Pesenel Menesmen, samting olsem 300 Komyuniti Helt Wokas i bin kisim gutpela sapot long gavman. Na ol i putim olgeta 300 na moa CHW i go insait long pablik sevis sistem na stap i kam inap nau.

Mis Isaac i tok ol woklain long Morobe Provinsel Helt Divisen na ol helt woka long provins bai painim em tru .

Em i tok Dokta Theo i lusim gutpela piksa long Helt Dipatmen we ol narapela i mas bihainim long en.

Kisim ol gutpela kaikai na stap helti

HELT Minista, Jamei Maxtone-Graham, i strongim pablik long dispela kantri long kisim ol gutpela kaikai bikos taim ol i kisim ol kaikai i no gutpela, ol kain helt sik na hevi i save kamap.

Dispela i bihainim ol ripot olsem sik long het i kamap long ol yangpela long wanem, planti bilong ol i wok long kisim nogut strongpela dring na smok.

Mista Maxtone-Graham i tok planti pikinini i wok long yusim krangi strongpela dring na smok na em i laikim sosaiti i glasim na skelim wanem kain kaikai ol i givim ol pikinini long en.

"Yumi mas lukluk long sosaiti na askim yumi yet wanem ol kaikai yumi givim long ol pikinini, wanem gutpela samting dispela ol kaikai i gat long ol, sapos ol kaikai bai givim hevi long sait bilong helt o long pasin na wanem samting yumi ken mekim long kamapim gut kaikai bilong ol pikinini," Mista Maxtone-Graham i tok.

Dijisel helpim Timbunke Helt Senta wantaim Mobail klinik

IS SEPIK Katolik Helt sevis nau i ken skruim na strongim wok insait long ol ruel komyuniti na dispela i kamap wantaim donesen bilong nupela mobail helt klinik i go long Timbunke Helt senta long Angoram Distrik.

Wanpela seremoni i bin kamap long las wik Fraide we Dijisel Faundesen i bin givim mobail helt klinik ambalens we kos bilong em inap long K150,000. Ol lain i makim Dijisel Faundesen, Katolik Helt Sevis, Wewak Daiosis na ol komyuniti long Wewak i bin stap long seremoni.

Dispela donesen em i namba wan we Dijisel Faundesen i givim i go long Is Sepik provins.

Wanpela medikel tim bai yusim dispela mobail klinik ambalens long ol medikel autris sevis i go long ol ruel eria, ol skul na ol imejensi riferel i go long ol haus sik klostu.

Sinia Progrem menesa bilong Dijisel, Beatrice Mahuru, i bin tok wanpela bikipela samting i go wantaim bildim komyuniti em long lukim



KATIM RIBEN: Wokman bilong Dijisel Faundesen i katim riben long faundesen i givim mobail klinik ambalens i go long Timbunke Helt Senta long Angoram, Is Sepik provins. *Poto: Dijisel Faundesen Pablik Rilesens.*

olsem pipel i mass tap helti na ol i ken kontribuit long developim na bildim ol komyuniti bilong ol.

Ol bin statim Timbunke Helt Senta long 1954 we i sevim moa long 18,000 pipel.

Em i wanpela long ol 20 ruel helt senta we i kam aninit long Ka-

tolik Sios helt Sevis.

Helt senta ya i save karimaut ol autris klinik sevis long 65 klinik ples na dispela donesen bai helpim tru wok bilong kisim sevis i go long planti pipel insait long ol ruel eria.

Ol Mobail Helt klinik we Dijisel

Faundesen i sapotim long PNG em Timbunke long Is Sepik, kaugere long NCD, Tsak Veli long Enga, Barawagi long Simbu, Kokopo long Is Nu Briten, Koibuga long Westen Hailans, Lae long Morobe provins na Norba long Jiwaka.



KENSA BILONG SUSU AWENES: Ol yangpela meri i putim pinkpela klos long sapotim awenes wok bilong kensa bilong susu.

Mun Novemba em kensa bilong susu awenes mun

KENSA bilong susu na seviks o bilum bilong pikinini i wok long kilim dai planti meri long dispela kantri tude.

Olsem na long tude, ol pablik awenes i wok long kamap long televisen, redio na ol niuspepa we sampela ol bikipela koporet kampani na ol lain i wari long dispela eria na i laik helpim lol yangpela meri na ol mama long daunim dispela sik i karimaut.

Wanpela long ol bikipela kampani we i sapotim ol wok awenes long kensa bilong susu long PNG em bikipela

mobail kampani, Dijisel.

Dispela mun, Novemba, em i mun bilong sapotim ol awenes wok bilong kensa bilong susu long olgeta hap bilong wol.

Long dispela kantri, PNG Kensa Rilif Sosaiti (PNGCRS) i go pas long karimaut ol wok awenes na pink riben we ol i salim long bungim mani bilong awenes wok bilong ol long skulim ol meri bilong daunim dispela sik. O long mekim wanem samting sapos ol i painim olsem ol i pilim sampela senis i kamap long

susu bilong ol.

PNGCRS i bin mekim 8-pela de wokabaut long Kokoda Treil long Oktoba 15 inap long de namba 22 wantaim sapot bilong PNG Telikom.

Dijisel tu i bin sapotim dispela awenes wokabaut bilong PNGCRS grup wantaim ol Bek to skul bek peks, ol wara botol, Ti siot na ol kep.

Long wokabaut bilong ol grup i bin givim ol dispela samting long ol komyuniti na ol lain i gat kensa bilong susu i stap long Kokoda Treil rot.

Madang polis holim pasim ol bikhet Gret 12 sumatin

SINGAUT i go long ol papamama long lukautim gut ol pikinini bilong ol.

Bosman bilong ol polis long Madang, Superintenden Anthony Wagambie (Junia) i wokim dispela singaut bihain long polis i bin putim planti Gret 12 sumatin i go long Madang polis sel long las wiken.

Mekim na Madang polis sel long las wiken i bin pulap long ol Gret 12 sumatin husat i pinisim laspela tes bilong ol na ol i spak

raun na wokim bikhet pasin na ol i putim ol long polis sel.

Ol sumatin i wokim bikhet pasin, maski planti papamama na ol atoriti long skul i save givim ol gutpela tok stia i go long ol olgeta yia.

Superintenden Wagambie (Junia) i belhat long dispela pasin we ol sumatin husat i sapos long stap gut long ples wantaim ol papamama bilong ol, tasol ol i spak raun na wokim bikhet pasin we i kisim ol i go long polis sel.

Olsem na em i singaut long ol papamama i was gut na givim gutpela stia i go lon g ol pikinini bilong ol.

Long ol narapela edukesen nius, samting olsem 89,000 Gret 8 sumatin bai sindaun yet long laspela tes bilong ol long tripela wik i kam.

Tes bai stat long Mande Novemba 21 na pinis long Fonde, Novemba 24.

Nesenel Dipsatmen bilong Edukesen (NDOE) i bin skruim

taim bilong ol Gret 8 i sindaun long tes bikos i gat senis long wokabaut bilong ol sip na balus we i sapos long karimn ol tes pepa i go aut long olgeta skul long kantri.

Ol ripot i tok narapela samting we i surukim taim bilong tes em birua long Airlines PNG we i sapos long kisim ol tes pepa i go aut, tasol bihainim birua lon g las mun we wanpela long ol Des 8 balus bilong kampani i bin bungim hevi na pondaun klostu

long Madang na kilim dai 28 pipel, gavman i bin stopim ron bilong ol PNG Airlines kampani Des 8 balus insait long kantri inap long las wik.

Kalenda bilong Edukesen Dipatmen i putim Fraide Disemba 9 olsem de bilong 2011 skul yia i pinis.

Dispela em tupela wik tasol bihain long ol Gret 8 i pinisim laspela tes bilong ol. *Wantok* i no bin nap long kisim moa nius lon g ol apdet bilon g ol Gret 10 na 12 tes risal.

UN bai skruim sapot long helt, edukesen na ol meri

"PNG i bungim planti salens yuet tasol Yunaitet Nesen (UN) bai wok bung wantaim gavman bilong dispela kantri na ol developmen patna long painim ol ansa na kamapim ol senis," residen kodineta bilong UN long PNG, David McLachlan-Karr i tok.

Mista McLachlan-Karr i wokim dispela toktok long las wik Mande long selebretim UN De na tu, makim 30 yia patnasip namel long UN na PNG, bihainim sanapim bilong Yunaitet Nesens Developmen Program (UNDP) opis long PNG long yia 1981.

Long dispela de tu, ol UN opis long PNG lain i bin go raun long ol sekonderi skul long Mosbi na toktok long ol developmen isu na tu, long serim ol eksperiens bilong ol long wok long UN. Dispela em aninit long wanpela program ol i kolim long UN4U program i bin kamap long las wik.

"Em no inap long UN i toktok wantaim ol lida bilong tumora, ol toktok we mipela i givim i mas kirapim na eduket-im ol lain bai mekim ol disisen long tumora. UN4U program i luksave long dispela na i mekim ol sumatin i skelim na glasim ol developmen i kamap long dispela

kantri. Tu, dispela i ken kirapim tingting long sampela i laik wok wantaim UN wanpela de," Mista McLachlan-Karr i tok.

Mista McLachlan-Karr i bin tenkim gavman bilong PNG long sapotim Ikwality na Patisipesen Bil na long kamap lida long rait bilong ol meri long Pasifik rijen.

UN i gat longpela na gutpela histri long PNG long olgeta eria bilong developmen moa long 30 krismas nau.

Wantaim gavman sapot, ol patna na ol dona ejensi, UN i kamapim gutpela na strongpela wok pren na wok bung long olgeta provins bilong dispela kantri.

Long dispela taim, ol bikipela samting we ol UN ejensi long PNG i putim bikipela tingting na wok long ol em: Long sapotim wok bilong helt na daunim dai bilong ol mama taim ol i karim pikinini, dai bilong ol liklik bebi aninit long 5-pela krismas, stopim pasin bilong paitim na bagarapim ol meri na ikwality na lidasip bilong ol meri, moa yet, long sapotim bil o loa long putim 22 risev sit bilong ol meri long nesanel ileksen bai kamap neks yia.



TELKOM FAUNDESEN GIVIM HELPIM: Ol sumatin long Bomana Praimeri skul ausait long Mosbi i kisim ol buk na wales telepon donesen long Telikom Faundesen long dispela wik. *Poto: Telikom Pablik Rile-sens*



Ol elementeri skul sumatin bilong Umboldi elementeri skul i samsam wantaim Kundu long Ramu NiCo Raikos Kangal Festival long las wik Fraide long ples Bandit antap long maunten baksait long Saidor stesen. *Poto: James Kila*

Ol skul bai kisim ol skul saplai long fes-tem bilong 2012

James Kila i raitim

PRAIM Minista Peter O'Neill i tokaut olsem insait long fri edukesen polisi we gavman bilong em bai kamapim, em i laik lukim ol sumatin i kisim olgeta skul saplai bilong ol insait long fes tem bilong 2012.

Em i tok olgeta tisa tu bai i kisim ol samting long helpim ol long tis na ol papamama bai i sainim wanpela fom o pepa-wok long soim olsem gavman polisi i go aut long ol skul

insait long eria bilong ol na ol papamama i witnes o luksave.

Dispela ol toktok bilong Praim Minista O'Neill i stap long wanpela toktok bilong em wanpela mausman bilong em i givim long Namba 4 Ramu NiCo Kangal Festival long rurel ples Bandit long maunten baksait Saidor stesen las wik Fraide.

Praim Minista i bin kisim askim bilong ol Raikos pipel long go long namba 4 Ramu NiCo Raikos Kangal Festival long las wik Fonde na

Fraide, tasol Mista O'Neill i no inap mekim bikos em i stap long Perth, Australia insait long Komonwelt Hets ov Gavman miting (CHOGM).

Mista O'Neill i salim tok sori bilong em, na toktok bilong em i stap long wanpela stetmen o pepa we wanpela longpela taim bisnis man na siaman bilong Raibus Limited, Kevin Murray, i ridim aut i go long ol Raikos pipel husat i bin bung long lukim festival. Mista Murray i bin makim Raibus

Limited, wanpela ambrela kampani bilong ol papagraun bilong Ramu nikel projek long Madang provins.

Mista O'Neill i tok gavman bilong em i laik lukim olsem wanpela polisi wok plen i mas kamap ol praivet kampani we i save salim wokim na saplai ol skul buk na samting bilong skul i mas redim wanpela sistem long givim aut ol samting bilong skul pastaim long stat bilong 2012 skul yia. PM i tok tu olsem long sait bilong

ol skul bilding o klasrum na haus bilong ol tisa, em wok bilong gavman aninit long Dipatmen bilong Edukesen.

Mista O'Neill i tok olsem gavman long pastaim i traime long mekim tasol em i feil i no inap long mekim, olsem na O'Neill-Namah gavman tude i go het long traime nupela wei o rot long long bihainim we em i gat bikipela bilip bai bringim kamap ples kliia pasin na tu gutpela long bihainim taim bilong ol sumatin, tisa na skul.

Katolik helt sevis long Hagen Asdaiosis kisim nupela mobail klinik

OL SIOS long dispela kantri i save mekim bikpela wok long kisim helt na edukesen sevis i go long ol ruel komyuniti we gavman sevis i no save go long en.

Na ol sios i save yusim gut wanem ol liklik risos olsem mani, ol ikwipmen na ol biding long en.

Long dispela taim, ol bikpela koporet kampani i wok long kam insait long kantri i glasim ol lain i givim ol helt, edukesen na ol rot na bris sevis, na i givim

helpim bilong ol long skruim sevis o kamapim gut na ol sevis i ken ron gut.

Olsem na long dispela wik, Katolik Helt Sevis autris progrem long Hagen Daiosis insait long Westen Hailans provins i bin kisim wanpela nupela mobail helt sevis long helpim karimaut wok bilong em.

Dispela donesen bai helpim moa long 25,000 pipel husat i save go long Norba sab helt senta long Nordugl eria bilong Not

Waghi insait long Westen Hailans provins.

Wanpela tim long Norba sab helt senta bai yusim dispela nupela mobail helt klinik ambalens long kari-maut ol helt autris sevis insait long ol ruel eria na tu, ol imejensi riferel long ol haus sik i stap klostu.

Hetman bilong Katolik Sios, Asbisop Douglas Young, taim em i kisim ki bilong nupela mobail klinik ambalens na tok tenkyu long Dijisel long bikpela

donesen na helpim bilong ol, i bin askim ol ples lain long lukautim gut nupela ambalens.

Ol komyuniti lida tu i bin autim bikpela amamas bilong ol i go long Dijisel Faundesen na mama kampani, Dijisel, long bikpela donesen ol i givim long helpim ol mama, pikinini na ol narapela sik manmeri long ol komyuniti i save kisim helt sevis long Norba sab helt senta.

Ol Komonwel lida tok orait long sampela senis long monak

...King o kwin i ken maritim Katolik nau

I kam long Zenit nius

OL LIDA bilong ol Komonwel kantri i bin bung long Pert, Westen Australia, i wanbel long kamapim sampela bikpela senis long ol lo i karamapim ol lain bai go pas long monak olsem king na kwin long Yunaitet Kingdom.

Long Yunaitet Kingdom, husat i kamap King o Kwin i kamap tu bos bilong sios bilong Ingran em Angliken Sios.

Senis we ol het bilong Komonwel i mekim long bung we i pinis long dispela wik tasol em, husat i kisim ples em namba wan pikinini na dispela i ken man o meri, husat mama i karim pastaim.

I kam inap nau, meri i kamap kwin sapos i nogat pikinini man, maski namba wan o ol narapela i kam bihain.

Narapela senis em ol i rausim tambu long king o kwin bilong Ingran i maritim wanpela Katolik. Tasol tambu long wanpela Katolik i kamap king o kwin i stap yet.


"Mi mas mekim klia nau olsem monak i mas stap memba bilong Sios bilong Ingran bikos em (king o kwin) em i het o go pas long Sios," Praim Minista bilong Ingran, David Cameron i tok.

"Tasol em i rong long stopim monak long sans bilong maritim wanpela Katolik, sapos ol i laik. Ol i fri pinis long maritim ol lain bilong ol narapela lotu," Mista Cameron i tok.

Lo bilong monak long husat i kisim ples na kamap king o kwin na tu, tambu long maritim Katolik, i bin kamap long 1701 Ekt ov Setelmen.

Asbisop bilong Wesminista, Vincent Nicholas, husat tu i presiden bilong Komprens bilong ol Katolik Bisop long Ingran na Wales, i wanbel wantaim ol disisen we ol het bilong Komonwel i mekim.

"Dispela bai rausim pasin we i no lukluk gut long ol Katolik na ol Katolik na ol narapela lotu moa bai wanbel long en," Asbisop Vincent i tok.



SINGSING GRUP BILONG WABAG: Wabag singsing grup long Hailans Rijinel Yut bung. Foto: Pius Hal, Mendi Katoki Daiosis

Kristen Felosip grup helpim Baisu kalabus lain

OL KALABUS lain long Baisu haus kalabus ausait long Hagen insait long Westen Hailans i bin kisim gutpela kaikai bilong bodi, spirit na tingting taim wanpela Kristen grup i raun i go lukim ol.

Prison Felosip Kea (PFC) grup em dispela Kristen grup ol memba i kam long miks lotu sios grup olsem Ivanjelikel Bratahut, PNG Baibel, Katolik, Luteran na Seven De Etventis, i bin karim ol gaden na stoa kaikai na abus i go long ol kalabus lain na tu, serim Tok bilong God wantaim ol.

Grup i save wok wantaim Koreksensel Sevis long helpim ol kalabus manmeri wantaim spiritual rihabilite-

sen na givim ol stia toktok long noken ronawe o wokim nabaut insait long haus kalabus.

Dispela 20-pela memba bilong PFC i bin givim tripela katen lem fleps na ol gaden kaikai na tu, serim Tok bilong Bikpela wantaim ol kalabus lain.

Mausman bilong PFC grup, Pasto John Komini bilong Evanjelikel Bratahut Sios, i bin tokim ol kalabus lain olsem ol sios i save yusim preia, Tok bilong God na ol stia tok long tanim tingting bilong ol man long lusim ol pasin i no stret na kamap gutpela, taim ol Koreksensel opisa i save yusim ol gan long helpim karimaut wok bilong ol.

UC meri felosip sanapim risos senta

WANTAIM bikpela tingting long mekim samting long helpim ol meri i na komyuniti long sios bilong ol, Wimen's Felosip grup bilong Yunaitet Sios long kantri bai sanapim wanpela risos senta long Hohola insait long Nesenel Kapitel Distrik.

Long brukim graun seremoni long ples we ol bai sanapim dispela risos senta bai kostim K6.7 milian long sanapim, Minista bilong Komyuniti Dvelopmen na memba bilong Mosbi Not Is, Andrew Mald, i bin tok tenkyu i go long ol meri long hatwok bilong ol long lukim olsem projek bai kamap na karim kaikai.



GG i mas soim gutpela piksa long wol

LAS wik tasol, Gavana Jeneral bilong yumi, Se Michael Ogio, i bin mekim wanpela spesel weding o maritim bilong em wantaim wanpela meri Solomon Ailans long Sen Mary's Ketidrel long daun taun Mosbi.

Long dispela maritim, i nogat planti tok i pairap long nius na em i mekim olsem wanpela hait samting.

Tru, em i gutpela tasol em i het bilong kantri PNG na dispela maritim em i bikpela samting na PNG i mas save.

Maritim em i nogat asua, em samting God yet i plenim na pasim long bung wantaim na insait long ol Mama Sios, em wanpela sakramen.

Dispela holi maritim em kristen maritim. Man na meri i go insait long laip, bung wantaim ol i kisim tok promis long ai bilong God na painim grasia bilong God na blesing long inapim loa bilong God i stap long Sakramen.

Tasol wanpela samting em olsem olpela meri bilong GG i dai tupela yia i go pinis, na em i gat fridom long kisim nupela meri na em i kamapim, i stret o nogat.

Tasol long maritim bilong em long namba tu meri bilong em long Solomon Ailan, em i no stret. Dispela meri em Esmi, em i gat man bilong em i stap yet long Solomon Ailan.

Ripot long Solomon Herol Niuspepa i tok olsem dispela meri Esmi i gat man bilong em stap yet na i askim sampela kain bel kol pe i mas go long olpela man bilong meri bilong GG.

Dispela em i bringim bikpela sem long stet, pipel bilong PNG, Solomon Ailans, gavman long wol nesen na Komonwel Kwin Elizabeth.

Maski Kristen maritim o kastomeri maritim, yumi Melanesia i luksave olsem em maritim tru na em i inapim lo bilong Sios na loa bilong kastom bilong yumi.

Tasol dispela maritim em i bikpela sem stret. Em i soim olsem i nogat pasin rispek long Solomon Ailans gavman, famili bilong olpela man bilong meri bilong GG na olpela man we nau i stap na bungim bikpela hevi long Solomon Ailans.

Sapos yumi glasim gut tru, i gat sampela asua i stap. Nambawan, yumi Sios lida husat i risista long buk bilong gavman na kamap selebren i mas kamap gutpela stia man na glasim gut dispela kain hevi.

Glasim sapos em i divos, basela o spinsta, wido o widoa o maritim i no bruk yet.

Em wok bilong yumi Sios lida na yumi noken sot kat kwik.

Nambatu, sapos dispela meri bilong GG i gat sampela pikinini i stap long Solomon Ailan, husat nau bai lukautim welfea bilong ol?

Gavman bilong yumi PNG; Gavana Jeneral Se Michael Ogio o meri bilong GG. Em sem bilong yumi PNG Sios na Gavana Jeneral; kaunim na skelim.

Dispela risos senta bai helpim ol meri felosip memba i karimaut wok misin bilong ol long laikim Bikpela na sevim ol narapela manmeri.

Mista Mald i bilip olsem dispela nupela risos senta bai helpim long daunim turangu pasin long ol progrem

Dispela risos senta bai i gat long em ges haus na ples bilong kaikai long en, hap bilong ol ges long slip long en, komprens senta, ats na kraf sorum, kar pak bilong ol ges na ol opisel na kuk eria.

Mista Mald i bin tok ol meri i no bin lus tingting long driman bilong ol long bildim wanpela ges haus na nau em i kamap tru.

Em i bilip tu olsem aninit long ol kain edukesen progrem, ol meri na ol pikinini meri bai kisim ol gutpela helpim, bai i gat kaunselong sevis na ples bilong slip long ol ges i laik go slip long hap.

Spesel projek menesa bilong Yunaitet Sios, Kali Sete, i tok senta bai ofaim trening skul bai helpim ol long painim wok long lukautim ol yet na ol famili bilong ol, ol meri na ol pikinini meri bai skul na kisim save, ol bai kisim pesenel vaibiliti trening, kisim trening na save, trening long kisim save long hospitaliti o lukautim ol ges haus na ol dispela kain wok.



WANTOK
KOMENTRI

Gat inap long sindaun gut – laik tru bilong yumi

SAPOS yumi nogat, wok, bai yumi traim painim wok. Sapos yumi nogat kaikai, bai yumi painim rot long kisim kaikai.

Dispela laik long inapim laik bilong yumi wan wan, maski rot i gutpela long stretim o nogat, em i laik we i mas i gat bekim long en.

Taim lida man i ting em i gat inap pawa long pilai pilai wantaim mani bilong kantri, em i soim olsem em i nogat luksave long husat arapela manmeri long kantri.

Em i luksave long laik bilong em yet.

Taim ol arapela wokman bilong lida i lukim em i mekim olsem, ol tu i go het na mekim wankain.

Dispela laik long kisim inap long gat gutpela sindaun tasol, sampela taim, i nogat arere bilong en.

Ol lida man bilong yumi, i save olsem ol i gat mani bilong baim ol bikpela saveman bilong loa, bai ol i ken yusim stail tok pisin, na tok inglis bilong paulim tingting bilong kot.

Olsem na ol i ken ronawe i go aut long kantri na hait i stap.

Dispela ol lain, i nogat moa luksave long pipel.

Pasin korapsen, na pasin stil, i save kamap bihainim strong bilong laik we yumi wan wan i gat long wanpela samting.

Sapos dispela samting i nogat banis, na mipela i gat inap pawa, nem o taitol, long skelim, mipela bai skelim.

Bikos em bai oraitim sindaun bilong mipela.

Yumi olgeta wan wan i gat dispela laik.

Laik bilong inap kaikai, laik bilong gutpela wok i save givim inap potnait pe long lukautim sindaun bilong famili.

Em ol bikpela samting.

Toksave i kam long Fainens Minista Don Polye, long daunim long prais bilong ol stua kaikai, em i gutpela nius.

Sapos dispela gavman, o husat gavman i stap bihain long Desemba 9, i gat tingting long strongim ol yet i kam long neks yia ileksen, i mobeta ol i lukluk long prais bilong kaikai na stua kago.

Ol i nidim vot, na long kisim inap vot, ol i nidim ol vota.

Na sapos K10 bilong vota i no inap long baim inap kaikai long stretim bel bilong em, na sindaun bilong famili bilong em, bai em i no inap vot.

Pipel mas lukim daunim long prais bilong kaikai – Polye

Neville Choi i raitim

MINISTA bilong Fainens na Tresari, Don Polye, i laikim ol bisnis long kantri long daunim prais bilong kaikai na stua kago, bihainim daunim long strong bilong inflesen o groa long prais bilong ol stua samting.

Mista Polye i toksave olsem Hetlain Konsuma Prais Indeks (CPI) we Nesenel Statistikal Opis i save tokautim, i ripot

olsem i gat mak olsem inflesen i go daun long mun Septemba.

Bipo mak bilong CPI long mun Jun kwota i bin 2.2 pesen. Septemba i sanap long 0.2 pesen groa tasol. Insait long wanpela yia, Hetlain Konsuma Prais Indeks i soim 8.4 pesen long Septemba kwota, we i daun long mak 9.6 pesen long Jun kwota, 2011.

Slekim bilong inflesen long mun Septemba i soim daunim long mak bilong

prais long sampela ol kaikai olsem konfleks, klos na su samting, fiul na pawa, na ol wok kar, maski prais bilong ol prut na kumu, klos bilong ol man na boi, ol longpela taim kaikai na kago, na ol arapela samting.

Pot Mosbi i soim prais bilong olgeta samting i go daun. Lae, Goroka na Madang i rekodim liklik prais groa inap long 0.4 pesen, 0.3 pesen, na 0.1 pesen.

Bikpela groa long prais i

bin kamap long Rabaul.

Minista Polye i askim olgeta bisnis long luksave long dispela gutpela senis, na givim dispela luksave na daunim prais i go long ol kastoma, na i noken tingting long strongim ol winmani bilong ol tasol.

“Mi laik tok luksave long Trukai Indastris, husat i katim prais bilong planti ol prodak bilong ol, inap long 18 pesen. Wanpela ten kilogram trukai rais, nau prais bilong em K37.50. Bipo em i sanap long K46.”

Helt dipatmen wok painimaut lukim namba wan sasim

WOK painimaut we nesenel investigesen tasfos SWEEP i wok long mekim long helt dipatmen, nau i lukim namba wan wokman bilong helt i kisim sas long paulim mani.

Deputi Sekreteri bilong Helt Dipatmen, na bipo Sif Eksekutiv Opisa bilong

Kimba na Vanimo haus sik, Mark Maludu.

Siaman bilong Tasfos SWEEP, Sam Koim, i tok klia olsem ol i arestim Mista Maludu long wanpela Warent of Isu bilong Kot. Ol i eskotim em i go long Frod Skwat Opis we ol i intavium em na sasim

em. Em i bin go stap long Boroko rumgat.

Tasfos i sasim em long tupela kaun bilong misapropriesen, tupela kaun bilong stil, na wanpela kaun long opisal korapsen aninit long Kriminal Koud Ekt.

Koim i tok dispela em i

namba wan arest tasol, na bai gat planti moa bai kam yet.

Em i tok klia olsem nau wok bilong kriminal kes nau i kirap. Aninit long loa, Mista Maludu em i no asua yet, inap wanpela loa kot i painim olsem em i asua.

WANTOK
Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager:
Elizabeth Konga

Editor:
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic, 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Haram TOK PISIN long
Radio Australia
101.9FM
Port Moresby

Tok Pisin Service

6am - 7am **6080; 7240(khz)**

7pm - 9pm **5995; 6020; 9710; 1280(KHZ)**

Fiji gavman i kalabusim wanpela sinia yunion opisal

TRED Yunion muvmen long Nu Silan i tokaut strong agensim we ol atoriti long Fiji i kalabusim wanpela sinia yunion lida bilong Fiji.

Ol i no sasim yet Presiden bilong Fiji Tred Daniel Urai, husat ol i bin arestim taim em i go bek long Fiji long Australia long wiken.

Sekreteri bilong Nu Silan Kaunsil bilong ol tred yunion, Peter Conway, i tokim Radio Australia ol i no save gut yet long wanem nau ol i holim pas Mista Urai.

"Mipela i bilip i mas kamap wantaim samting i bin kamap long Fiji yet long laspela taim em i bin lusim Fiji na wanpela long ol samting em i wok tokaut long en agensim ol isensal indastri dikri na ol arapela daunim bilong ol yunion rait long Fiji, na em i mekim dispela long sait bilong CHOQM. Olsem na i mas long dispela tasol. Mipela i no save yet.

Australia gavman i sori long dai bilong asailum sika

HOM Afes Minista bilong Australia, Brendan O'Connor, i tok dai bilong ol asailum sika long solwara bilong Indonesia, i wanpela sori samting tru.

Mista O'Connor i tok ol Indonesia Atoriti i tok klia pinis olsem sikspela i dai pinis na samting olsem 20 ol i lus yet taim bot bilong ol i kapsait long solwara ausait long Java.

Em i tok 46 pipel ol i bin kisim aut long solwara pinis.

Mista O'Connor i tok, ol i no klia yet long en tasol i luk olsem ol asailum sika ya i laik kam long Australia.

Risev Benk bilong Australia i daunim intares ret

PRAIM Minista bilong Australia, Julia Gillard, i tok olgeta benk i mas givim go long ol husat i gat dinau dispela daunim inap long wan kwota pesen, we Risev Benk bilong Australia i tok oraitim pinis.

Risev Benk i katim dispela mani ret i go daun long 4.5 pesen long namba wan taim insait long moa long tupela yia.

Sedo Tresera Joe Hockey, i bin yusim kwesten taim long palamen long salensim Mis Gillard long mek sua olgeta benk i givim go dispela ret kat long ol pipel na bisnis.

Mis Gillard i tok ol benk i mas



Trena na Joki amamas

MIPELA MEKIM: Trena Mike Delzangles i holim Melbon Kap, na joki Christophe Lemaire i kis long kap trofi, bihain long hos bilong tupela, Dunaden i winim resis long Flemington resis trek long Tunde.

bihainim dispela ret katim bilong Risev Benk.

"Olgeta benk long Australia i mas luksave long dispela katim bilong intares ret. Mi tok long moning long nius olsem sapos RBA i katim ol intares ret tude, ol kastoma long Australia i mas lukim stret dispela katim, mi bilip dispela em i samting ol pipel bilong Australia i laik lukim," Gillard i tok.

PNG polis i givim strongpela tok lukaut long ol raskol

PAPUA Niugini polis i givim bikpela tok lukaut olsem ol bai 'sutim long kilim' o kilim ol raskol husat i wok long paitim ol helt woka long kantri.

Dispela tok lukaut i kamap bihain long sampela lain i paitim nogut wanpela dokta long Angau haus sik long Lae, Morobe provins.

Asisten Komisina bilong Polis long Momase Rijen, Giossi Labi, nau i tokaut long dispela woning o tok lukaut.

"Mi belhat bikos wanpela dokta ol paitim nogut tru long haus sik. Olsem na mi tok sapos yu man, yu humen being, yu ekt olsem animol, mi sori, tasol mipela bai sutim yu. Olsem tasol."

Wanpela hos bilong Frans i winim Melbon Kap

HOS bilong kantri Frans, Dunaden, i winim Melbon Kap hos resis bilong Australia long wanpela tait resis wantaim hos we i pinis namba tu, Red Cadeaux.

Wanpela rekot namba bilong 11-pela hos bilong ol narapela kantri nau ol i ron long dispela namba 151 Melbon Kap resis.

Joki Christophe Lemaire, i bin kamap long Australia lusim Japan long Mande tasol. Tasol taim em i ron wantaim Dunaden, tupela i win long Flemington. Dispela hos bilong Frans, i gat sikspela krismas tasol, na i kisim bikpela salens tru long Red Cadeaux, tasol em i winim em. Em i namba wan Melbon Kap win bilong Lemaire, husat i senisim raida Craig Williams. Americain, husat i bin winim kap las yia, i bin kam namba tri, wantaim Lucas Cranach.

Indonesia gavman i laik opim bek hariap Freeport main

GAVMAN bilong Indonesia i fomim wanpela spesol tim bilong traim na abrusim ol kain kain birua we i save kamap namel long ol menesmen na ol wokman long Freeport main long Wes Papua.

Ol lain husat i stap long dispela tim i kam long sampela ministri bilong Indonesia gavman.

Minista bilong Eneji, Jero Wacik, i tok dispela tim bai traim long kamapim sampela rot long pinisim ol birua we i save kamap long ol wokman ol laikim pei mak i go antap moa.

Freeport, we i namba wan bikpela gol na kopa main long Indonesia, i bin stop long wok sampela wik i go pinis taim ol wokman i straik.

Yangpela boi bilong Australia ol i kotim long Bali

WANPELA boi bilong Australia husat i gat 14 krismas, i kamap long kot long namba wan de long kot bilong em long drag sas long Bali long Indonesia.

Yangpela boi ya i gat tripela sas long drag long baim mariwana long nambis long Bali.

Boy ya i bin kamap long Denpasar distrik kot long Bali long

Tunde moning wantaim ol polis na praivet sekyuriti gat.

Ol i bin karamapim het bilong em taim ol i kamap klostu long haus kot.

Ol i bin kolim tupela witness bilong prosekiusen long givim evidens, na kot i pinis bihain samting olsem wanepela awa na bai em sindaun gen long Fraide.

Difens bai kolim tripela witness long dispela kot.

Bot bilong sampela asailum sika i kapsait long Indonesia

WANEM ol i kolim Wes Java Anti Pipel Smagling Tas Fos, i tok 18-pela asailum sika ol i lus bihain bot bilong ol i kapsait long solwara long Indonesia.

Polis Komisina Fatma Noer, i tok dispela bot i karim samting olsem 70 asailum sika, na em i go long Christmas Island taim em i kapsait long solwara ausait long Java Ailan.

Em i tok sikspela pipel wantaim tupela pikinini, i bin dai na 46 arapela pipel ol i bin pulim ol aut long solwara.

Polis Komisina i tok ol reskiu bot i wok long sekim yet sampela pipel i lus yet long solwara.

PacificBEAT

4, 5, 6am & 4pm, 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

WOLNIUS LONG POTO...



Ol kofin bokis i silip long Tarin Kot

OL Australia Difens Fos soldia i lainim gut ol kofin bokis bilong ol wanlain bilong ol, Kepten Bryce Duffy, Koporal Ashley Birt na Lens Koporal Luke Gavin long memorial sevis long Malti-Nesenel Bes, Tarin Kot, insait long Uruzgan Provins, Sauten Afganistan, long Novemba 1, 2011.


Boeing 767 kres len

LOT Polis elain Boeing 767, i flai lusim Nu Yok wantaim 227 pipel, i mekim wanpela imejensi landing long Warsaw epot bihain long em i bungim birua long daunim wil bilong em long Novemba 1, 2011. Balus i tromoi fiul na raunim antap long Warsaw sampela taim wetim ol long redim gut ples bilong balus long pundaun, mekim imejensi landing. Nogat wanpela i kisim bagarap taim balus i pundaun, wanpela mausman bilong LOT i tok.



Ol Saina reskiu woklain sekim ples

OOL faiafaita man i sekim ol ples birua bihain long wanpela bom pairap i kamap long wanpela woksap long wanpela haiwe long Fuquan long sautwes bilong Guizhou provins long Novemba 1. Tupela kari i karim ol bom pairap i slekim bom na kilim foapela manmeri, na givim birua long planti ol arapela manmeri i stap klostu.



Ol i win na amamas

OL I pilai laki, na ol i mas win taim hos bilong ol i win long 2011 Melbon Kap long Tunde.

Ol Bangkok pipel i kros

TOL lain manmeri bilong Bangkok i kros wantaim ol ami polisman bilong Tailen taim ol i bung long askim gavman long opim get bilong wara bung i go op moa. Bikpela kros i kamap namel long Tailen manmeri na ol atoriti insait long ol ples long Bangkok we planti handret manmeri i kros olsem haus bilong ol bail us long traime pasim wara i go long karamapim siti.

Ramu NiCo Raikos Kangal Festival

James Kila bilong Ramu NiCo i raitim

“KANGAL” long Tok Pisin i min long-pela gras bilong ol pisin na tu em i olsem bilas we pipel save putim long het taim i samsam o singsing tumbuna.

Long planti lokal kalsa o pasin tumbuna long PNG, kangal i save bringim naispela kala na bilas long taim bilong samsam na kangal taim ol i yusim olsem bilas i gat spesel mining long en tu..

Long Raikos distrik long Madang provins, ‘Kangal’ i gat spesel luksave long en long taim bilong singsing na long nau yet dispela luksave o pasin tumbuna we i pas wantaim kangal i strong yet

Wanpela festival we ol rurel pipel bilong Raikos distrik yet i kamapim we i luksave tru long kangal em Ramu NiCo Raikos Kangal Festival.

Long las wik Fonde na Fraide, Oktoba 27 na 28 moa long 40-pela singsing grup long bus na nambis ples insait long Raikos distrik i bin go bung long Bandit viles long maunten klostu long Saidor stesin long namba 4 Ramu NiCo Raikos Kangal Festival.

Ol selebresin bilong tumbuna pasin na kalsa i soim ol kangal o bilas bilong kain kain ol pisin gras bilong bus we ol lain i wokim ol naispela bilas long putim.

Wanpela naispela samting we dispela festival i narakain liklik em i gat sampela singsing grup i samsam long de taim na ol narapela i samsam long nait taim. Ol grup we i samsam o singsing long nait taim i soim sampela kain kalsa we i narakain tru na planti lain long autsait i no save lukim pastaim.

Ol lain na paia long nait taim i soim kala bilong ol dispela kangal na peint long bodi bilong ol lain i singsing i narakain stret na i sain stret taim lait i go long ol. Em i narakain festival tru bilong Raikos we planti ples insait long PNG i no save soim kain pasin olsem.

Long namba 4 Ramu NiCo Raikos Kangal Festival, ol singsing grup i samsam wantaim kain kain ol kala kangal. Sampela kangal i longpela tru, sampela ol i bilasim nais tru wantaim gras bilong pisin na ol i kam long planti kain kain sais.

Tru tumas, dispela ol bilas i nais tru long lukim na i soim stret kalsa na pasin tumbuna we i pas wantim stori bilong kangal.

Ol singsing tumbuna long de taim tu i soim ol grup i werim ol longpela kangal stret na samsam na lukim ples i soim naispela kala tru. Nek bilong ol man na meri i bung wantaim na tru tumas ples i luk narapela kain stret.

Dispela 2011 Raikos Kangal Festival i bin op long Fraide bihain long Ekstenol Afes supavaisa bilong Ramu NiCo (MCC) Limited, Mathew Yakai i katim wanpela banis o ribbon long opim. Dispela taim ol elementeri skul sumatin bilong Umboldi elementeri skul i sanap long lain na welkam ol lain long go long festival.



Ol liklik meri sumatin i samsam na strongim Raikos kalsa.



Ol elementeri skul sumatin bilong Umboldi i welkam long ol lain bilong Ramu NiCo (MCC) wantaim Kevin Murray bilong Raibus Limited. Ol foto: James Kila na Mathew Yakai



Ol nait gras singsing grup i soim strongpela kalsa em nais tasol lain i ken lukim.

Mista Yakai wantaim sinia pablik rilesens ofisa bilong Ramu NiCo (MCC), James Kila na siaman bilong Raibus Limited, Kevin Murray i bin flai long wanpela wan-enjin balus bilong Islands Airways i go long Saidor stesiin na bihain kisim wanpela Toyota lenkrusa kar na ron i go antap long maunten long ples Bandit long stap insait long dispela festival. Gerard Conron, pailot bilong balus we i bringim ol tu i bin go wantaim ol long lukim festival.

Ol dispela 4-pela lain tasol em ol autsait lain husat i go lukim ol rurel ples lain ya i soim kalsa na pasin tumbuna bilong pipel, na tru tumas

ol pipel i amamas tru na welkam long ol stret.

Mista Yakai i tok olsem Ramu NiCo (MCC) Limited i luksave long pasin tumbuna o kalsa olsem bikipela samting long yumi olgeta na ol pikinini na tumbuna long bihain taim, olsem na yumi mas save gut long en, soim rispekt long en na tu helpim long lukautim na was gut long en.

Em i tokim planti ol manmeri husat i bin bung long dispela taim olsem Ramu NiCo i amamas tasol long helpim dispela festival long bihain taim em i go insait long opere-sen na wok bisnis i ron gut.

Ramu NiCo em wanpla bikpla sponsa long Ramu NiCo Kangal Festival las yia na displa yia tu.

Siaman bilong Raibus Limited, Kevin Murray, husat i givim sampela helpim i go long festival komiti i givim bikipela tok amamas i go long Ramu NiCo (MCC) Limited long sapot kampani i givim i go long dispela festival.

Em i tokim ol pipel bilong Raikos tu olsem stap bilong Ramu NiCo (MCC) long distrik i ken bringim sevis long ol pipel long helpim sindaun bilong ol.

Raibus Limited, em ambrela kampani bilong 4-pela lain papa-

graun bilong Raikos na Usino-Bundi husat i stap insait long Ramu nikel projek long Madang provins.

Siaman bilong festival, Moses Dilambe, i givim bikipela tok tenkyu i go long Ramu NiCo na Mista Murray bilong Raibus Limited long gutpela halivim ol i givim i go long festival komiti.

Mista Dilambe i givim tok amamas tu olsem ol lain bilong Ramu NiCo (MCC) i kisim liklik balus na go olgeta long ples Bandit stap wantaim ol manmeri na amamas insait long dispela festival.

Mista Dilambe i tok ol lain festival

soim kalsa wantaim naispela kala



Ol elementeri sumatin ya i save holim kalsa yet na karim kundu na mekim save long samsam.



Kainkain kalsa i kam gut long Kanggal festival.



Tupela lain Raikos holim strong kalsa bilong Kanggal yet.



Dispela longpela kangal em singsing grup bilong Nampa long wod 7 bilong Saidor LLG.

long Madang provinsal gavman o MP bilong ol long ronim dispela festival. Em MCC tasol wantaim Mista Murray i givim sapot.

Mista Dilambe i tok long dispela yia festival i amamas long lukim ol singsing grup i kam long longwe ples tru long maunten i kam long stap na amamas. Em i tok ol lain long hap bilong Naide klostu long Teptep na tu Warawa na Mambat i wokabout longwe rot tru na slip long rot na go kamap long ples Bandit long stap insait long festival.

Dispela bikpela tingting long kamapim Raikos Kanggal Festival i

bin kamap long yia 2007 bihainim gutpela tingting bilong pastaim eksekutiv dairekta bilong Madang Kalsa na Turism Senta, Taba Silau, na namba wan festival em ol i kolim "Umboldi Kalsarel So". Dispela so i bin kamap bihain long ol i sanapim bihainim kamap bilong Raikos mini kalsarel senta long ples Bandi viles.

Long las yia, Mista Dilambe i tokaut pablik long senisim nem i go kamap olsem Ramu NiCo Raikos Kanggal Festival taim dispela festival i bin kamap long Saidor gavman stesin klostu long nambis we Ramu NiCo i bin kamap namba wan sponsa.

YUMIFM Program bilong Wanwan De

De - Mande - Fraide
 6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing blong bifo.
 6:30am - Nius Hetlains
 6:45am - Bonde grins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori blong putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona blong yu
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains blong Belo Taim - Laik blong yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwas na dedikesen
 12:15pm - Komuniti Notis Bod
 12:20pm - BELO Pack - Belo taim rekwas na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - Nius - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN - YUMIFM NIUS Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Cruz
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wilken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm Nius - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm Nius - YUMIFM Nius Senta
 2pm - 6pm - Sarere Avinun Cruz
 6:00pm Nius - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
 Wilken - Sandei
 6am - 10am - Wilken Sanrais / Sandei Monin wokabout Musik
 - Monin Treks
 10am - 12noon Nius - YUMIFM Nius Senta
 12noon - Sandei Belo Taim Music
 12 - 2pm Nius - YUMIFM Nius Senta
 2:00pm - Sandei Avinun Draiv Music
 2pm - 6pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Helt
 8.15PM Musik
 8.30PM NUIS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NUIS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NUIS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NUIS
 8.40PM Youth Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NUIS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Faiv mail long Pot Mosbi bai lait gen

Nicky Bernard i raitim
OLGETA yia long Pot Mosbi, Krismas na Nu Yia save gat amamas save kamap. Gavana bilong Nesenel Kapitel Distrik (NCD), Powes Parkap i no save lusim ol pipel bilong stap nating long Krismas na Nu Yia, em save bringim amamas go long ol.
 Tripela yia go pinis, em i bin sanapim ol krismas lait

long sait bilong rot long liklik pilai hap long 5-mail we ol famili save go na lukim. Long dispela wik, ol wok man Goi Eliktrikol kampani i go sanapim ol dispela lait gen long wanpela bikipela pak ol pilai hap long 5-mail long Pot Mosbi. Dispela yia em bai bikipela stret, long wanem Gavana Parkop i traिम long bringim amamas i go long wanwan ol sabeb long NCD.

Ol dispela lait long 5-mail bai stat long lait long Disemba i go kamap long Krismas na Nu Yia, i bai gat sampela giaman enimol, na tu bai gat liklik haus bilong soim olsem Jesus i bon, bai stap tu long dispela hap. Gavana Parkop yet bai lonsim dispela ol lait na tu ol liklik so we bai kam long 5-mail na sampela ol nara-pela sabeb insait long NCD.



Krismas lait long Faiv mail...

Tingim ol taim bipo wantaim Legend FM



Legend FM 101 tim, Rosemary Botong, Alice Iswak-ibi na Willie Gorogo.

LEGEND FM, nupela redio stesen bilong PNGFM, i wok long pulim iau bilong planti manmeri husat ol bin stap long 1970 i kam long 1980. Dispela nupela stesen na kam olsem susa bilong Nau FM na Yumi FM, i save pilaim ol singsing bilong bipo long 70s na 80s. I gat foapela manmeri save wok long dispela nu-

pela redio stesen, meri go pas long dispela redio stesen i tokim *Wantok Nius-pepa* olsem, ol i gat planti olpela lain i wok long harim stesen bilong ol. Long dispela poto em wanpela wokman bilong i no stap, bos meri bilong stesen Rosemary Botong save statim stesen long 6-kilok moning na pinisim long 10-kilok, Alice Iswak-

ibi, AM PM So long 10-kilok moning na pinis long 3-kilok avinun na William Gorogo, Haiwe Draiv 101 long 3-kilok i go long 7-kilok nait. Dispela ol foapela i no nupela long redio, na ol save gut tru long wanem taim bai ol pilaim ol dispela singsing long pulim tingting bilong yu long taim bipo.

93FM YUMIFM
National Weekly Hit Parade:
 Produced & Host by: Kasty
 Statisties: Talaigu Sopi & Poroman Cruz
 Week Ending: Saturday - 05th October 2011

Week Before	Last Week	This Week	Charting Song:	Artist:
1	1	1(16)	Mix a babe	Leonard Kania
2	2	2	Una Takpa	Backyards of Yangoru
2(3)	3	3	Education	Gedix Atege
7	7(3)	4	Lavin va tantas	Sounds of Yangoru
5	5	5(7)	Orchid V-Las	Leonard Kania
3	6	6(4)	Kiri O	Channel X Crew
4	4(3)	7	Ples long Lar	Jokema
8	8	8(5)	Photo	Sibela Band
9	9	9	White Rose	Leonard Kania Jr.
10	12	10	Hidden Valley	Butuk
12	11	11	Negana	Greg A'ann B Hanley Lagos
10	10	12	Mari Kusap	Raiwat
17	15	13	Kaigo	Paeva ft DMP
13	13(6)	14	Phone Call	Ava's One Crew ft Theresa Cruz
11	14	15	Sulwan meri	Taina G & Sharzy
8	19	16	Nou Dimugra	Butuk
6	20	17	Sunamisi	Leonard Kania Jr.
14	16	18	Empty Promise	Snippers Band ft DJ AAR
16	17	19	Meri Marobe	Logic Crew
15	18	20	Gorai	Ava's One Crew ft Theresa Cruz
	Song In:	Out:	nil	nil

EMTV Television Guide

FONDE, NOVEMBA 3, 2011		STATION OPEN		NATIONAL EMTV NEWS		NATIONS* LIVE*	
5.00AM	G JOYCE MEYER MINISTRIES	2.59PM	KONA	6.00PM	G NATIONAL EMTV NEWS	3.15AM	AUSTRALIA
5.30AM	G TODAY	3.00PM	HI-5	6.30PM	PG AUSTRALIA'S FUNNIEST HOME VIDEO SHOW	3.15AM	AUSTRALIA NETWORK
DEPARTMENT OF EDUCATION CLASSROOM BROADCAST		3.30PM	PYRAMID	7.27PM	EMTV TOK SAVE	6.30AM	G IT IS WRITTEN
9.00 - 9.40AM	GRADE 7 MATHEMATICS	4.00PM	THE SHAK	7.30PM	PG LEGEND OF THE SEEKER (SERIES PREMIERE) A CAPTIVATING ACTION-ADVENTURE TV SERIES	7.00AM	G HILLSONG
9.50 - 10.30AM	GRADE 7 SCIENCE	4.30PM	KITCHEN WHIZ	In a mystical land, Richard Cypher discovers his true destiny as he, a mysterious young woman, a wise old wizard and a magical sword take on the evil Darkhan Rahl.		7.30AM	G CHIT CHAT with Sir Paulias Matane
10.40 - 11.15AM	GRADE 8 MATHEMATICS	4.57PM	EMTV TOK SAVE	Stars: Craig Horner as Richard Cypher, Bridget Regan as Kahlan Amnell.		7.35AM	AUSTRALIA NETWORK
11.20 - 12.00PM	GRADE 8 SCIENCE	5.00PM	G HOT SOURCE	7.27PM	EMTV TOK SAVE	12.59PM	STATION OPEN
12.30PM	EMTV MIDDAY NEWS	5.30PM	G MILLIONAIRE HOT SEAT	8.30PM	PG DESPERATE HOUSE WIVES	1.00PM	G RUGBY LEAGUE FOUR NATIONS - ENGLAND v AUSTRALIA
DEPT OF EDUCATION CLASSROOM BROADCAST continues.....		6.00PM	G NATIONAL EMTV NEWS	9.30PM	PG BROTHERS & SISTERS	3.00PM	G RUGBY LEAGUE TEST *LIVE* - FIJI BATIS v PNG KUMULS
1.00 - 1.40PM	GRADE 6 MATHEMATICS	7.00PM	G IN MORESBY TONIGHT	10.30PM	PG GREY'S ANATOMY	5.00PM	G THE PACIFIC WAY
1.50 - 2.30PM	GRADE 6 SCIENCE	7.30PM	PG THE FARMER WANTS A WIFE (SEASON FINAL)	11.00PM	G NATIONAL EMTV NEWS REPLAY	5.30PM	G LOVE PATROL
2.30 - 3.00PM	DEPI PROGRAMME	8.30PM	G MOUNTAIN REBIRTH	12.00AM	AUSTRALIAN NETWORK	6.00PM	G NATIONAL EMTV NEWS
2.59PM	STATION OPEN	11.00PM	AUSTRALIA NETWORK			6.30PM	G DIGICEL STARS 2 Heat 5 -
3.00PM	HI-5	FRAIDE, NOVEMBA 4, 2011				7.30PM	G 60 MINUTES
3.30PM	PYRAMID	5.00AM	G JOYCE MEYER			8.27PM	EMTV TOK SAVE
4.00PM	THE SHAK	5.30AM	G TODAY			8.30PM	M SUNDAY NIGHT MOVIE: THE DEVIL YOU KNOW (2007) Thriller - When the DCI on the case goes into labor, Commander Clare Blake takes charge in the investigation
4.30PM	KITCHEN WHIZ	DEPARTMENT OF EDUCATION CLASSROOM BROADCAST					
4.57PM	EMTV TOK SAVE	9.00 - 9.40AM	GRADE 7 MATHEMATICS				
5.00PM	G HOT SOURCE	9.50 - 10.30AM	GRADE 7 SCIENCE				
		10.40 - 11.15AM	GRADE 8 MATHEMATICS				
		11.20 - 12.00PM	GRADE 8 SCIENCE				
		12.30PM	EMTV MIDDAY NEWS				
		DEPT OF EDUCATION CLASSROOM BROADCAST continues.....					
		1.00 - 1.40PM	GRADE 6 MATHEMATICS				
		1.50 - 2.30PM	GRADE 6 SCIENCE				
		2.30 - 3.00PM	DEPI PROGRAMME				
		SARERE, NOVEMBA 5, 2010					
		2.57PM	STATION OPEN				
		3.00PM	G NATIONAL SOCCER LEAGUE				
		LIVE	Petro Souths v Gigira				
		Laitapo	Central				
		5.00PM	G LOVE PATROL				
		5.30PM	G MIND YOUR BUSINESS				
		SANDE, NOVEMBA 6, 2011					
		15AM	G RUGBY LEAGUE FOUR				

TORO



BIABIA



KANAGE



TOKWIN

ExiSevisman rong pinis...

Mipela harim krai bilong yupela na mipela tu sore long yupela. Tasol samting yupela i mekim long Mande i no gutpela we long rausim wari na hevi bilong yupela! Yupela mekim moa hevi long yupela yet. Husat bai peim ol dispela bagarap yupela i mekim long ol kar bilong gavman na privet manmeri? Husat tru? Ating ol pension moni o ritai moni bai bekim ol dispela bagarap yupela i mekim. Sapos PM i tok,

noken givim mani long lain husat i bagarapim ol dispela propeti bilong narapela lain, yu bai lus gen. Moni bilong yu bai go peim ol dispela propeti yu bin bagarapim. Na tu bai yu go kalabus bikos yu brukim loa! Em nau, bai yu lus moa gen. Femili bilong yu bai safa moa gen. Yusim het bilong yu! Niuspepa, Redio na Televisen em maus bilong yu, Go long ol na autim wari bilong yu na bai kamaut long TV, Redio na Niuspepa na bai gavman i lukim na bekim. Sori, asua yupela mekim pinis. Lusim long han bilong loa.

Prins Charles bai kam long PNG...

Noken ting em nupela man hia long PNG. Em bin stap long hia bipo taim em liklik mangi yet. Em bin skul long wanpela ples klostu long Kokoda o Popondetta. Tasol mi laik tok klia, i gat wanpela man husat i save long em taim em liklik mangi taim em kam stap long PNG. Em wanpela olupela niusman bipo tru na i stap yet. Em Biga Lebasi tasol. Tupela Prins Charles bin stap liklik yet long ples Popondetta na em i klia gut long em.

Tokwin tasol...

Grid of letters for a word search puzzle.

Painim ol dispela provins bilong yumi:

- List of provinces: MANUS, IS NU BRITEN, BOGENVIL, MILEN BE, WESTEN, IS SEPIK, MADANG, SIMBU, SENTRAL, ISTEN HAILANS, NU AILAN, WES NU BRITEN, MOROBE, NCD, ORO, SANDAUN, ENGA, GALP, WESTEN HAILANS, SAUTEN HAILANS.

Two 6x6 grid puzzles for a word search.

A 9x9 grid puzzle for a word search.

Ansa bilong las wik Sudoku

A crossword puzzle grid with some letters filled in.

Ansa bilong las wik Pasol

EMTV Television Guide

Television schedule table with columns for time, program name, and channel.

Ol Progam na Kilok i ken tenis oltaim...

Raun wantaim Kanage olgeta wik



Fes taim bilong Kanage ...

Kanage em bilong Lumi. Em save stap long ples tasol. Baga ros save wok hat stret long lain kakau bilong em istap. Long taim bilong skelim kakau, boi ros save kisim olsem K100.00 or K200.00 sapos kakau prais i gutpela. Moni em save kisim long salim kakau em save bungim na sevim istap. Wanpela taim, Kanage wokabout na kalapim Sumoro maunten na bihainim wara Yalinge kam kamap long Poro. Em kalap long PMV Yamari na spinim igo long Aitape taun. Tingim, em fes taim bilong em long kam long taun. Maus bilong em i op nogut tru na ai bilong em i laik kam aut. Em wokabout I go na em lukim wanpela PMV bas na isi tasol em tok, "Oh Jisas! Mama, haus ya I gat wil na ol man insait". Em raun liklik I go na em lukim solwara. Yu save mangi bilong bus maunten na em save tasol long ol liklik wara. Em lukim solwara na tok, "Mama Maria! Wara ya bikpela tru ya. Em winim liklik wara mi save waswas long em."

Johnson Mamu Aitape



Sating yah i pundaun...

Kanage igo stap long Mekeo, insait long Sentral Provins. Ino long taim boi nogut maritim wanpela naispela yangpela meri. Kanage save ful taim long em olgeta nait na meri ya save komplem long silip. Wanpela taim meri ya tokim Kanage olsem tupela go painim kuka long nait. Kanage wantaim meri bilong em tupela igo na kamap long wanpela bikpela wara igat bris. Meri bilong Kanage isi tasol kisim wanpela traipela ston na tromoi long wara. Kanage kirap nogut na askim em, "Se...Meri, wanem samting ya?" Meri bilong Kanage tokim em, "Sating bilong mi ya! Yu save fultaim long nait yah na em pundaun long wara nau." Kanage hariap tasol kalap igo insait long wara. Boi painim igo nogat na askim meri bilong em, "Em pundaun long we?" Meri ya igo sanap namel long bris na tokim em olsem em pundaun

long hia. Kanage kisim bikpela win na igo painim gen. Kanage igo painim gen nogat na tokim meri ya long tromoi wanpela ston igo long hap we samting bilong em I pundaun. Kanage painim igo olsem wanpela aua olgeta. Bikpela kol kisim em na skin bilong em tu guria. Kanage isi igo sindaun long arere long bris na luk sori olgeta. Meri bilong em lukim em na kilim skin stret long lap. Kanage lukim em lap na em i kros long meri bilong em. Long nait meri em kisim taim stret!

Animal Killer

Ol skwat!
Salim ol gutpela Kanage tok pilai i kam long: Kanage Tok Pilai P.O. Box 1982, Boroko, NCD Port Moresby. Email: atolire@wantok.com.pg

NEM: Kisip Kembo
KRISMAS: 19 (man)
ADRES: ST. John De Baptist Primary School, P.O. Box 220, Kerema Gulf Provins
SAVE LAIKIM: Pilai spots, watsim muvi, go Lotu, ridim buk na mekim pani

NEM: Isaiah Bonga
KRISMAS: 28 (man)
ADRES: P. O. Box 407, Popondetta, Oro Provins
SAVE LAIKIM: Pilai Voli bol, Tas ragbi, pilai gita, lukluk TV(NRL), raitim pas, mekim na go Lotu

NEM: Rian Monghongho Alphonse
KRISMAS: 18 (man)
ADRES: Aniep Village, C/- ST. Mary's, P.O. Box 125, Leitre, Vanimo, Sandaun Provins
SAVE LAIKIM: Harim musik, pilai soka, voli-bol, basketbol, go Lotu na mekim pren

NEM: Anestine Funumari
KRISMAS: 18 (meri)
ADRES: Notre Dame Secondary School, P.O. Box 164, MT Hagen, WHP
SAVE LAIKIM: Ridim Baibel, singsing, harim musik, pilai basketbol, netbol, mitim ol poroman na lukluk TV.

NEM: Koron Amun
KRISMAS: 25 (man)
ADRES: P.O. Box 3079, Lae, Morobe Provins
SAVE LAIKIM: Harim musik, pilai Kompyuta, ridim buk na mekim pren

NEM: Kaiya Yoan
KRISMAS: (man)
ADRES: C/- Bema Primary School, P.O.Box 37, Kerema Gulf Provins
SAVE LAIKIM: Pilai soka, mekim Jokes na pilai volibol wantaim ol poroman

NEM: Ruben Yawa
KRISMAS: 18 (man)
ADRES: Muli Primary School, P.O. Box 69, Mendi, SHP
SAVE LAIKIM: Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

NEM: Stanson Petiti
KRISMAS: 20 (man)
ADRES: C-/ BSC ANZ Bank (PNG) Ltd, P. O. Box 1152, Port Moresby NCD Papua Niugini
SAVE LAIKIM: Pilai Gita, ridim Baible, mekim fani na stori wantaim ol poroman

NEM: Joel Kenis Amaekam
KRISMAS: 29 (man)
ADRES: Huon Gulf, Lae 411, P.O. Box 164 Lae, Morobe Provins
SAVE LAIKIM: Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

NEM: Anne Mary Yuwei
KRISMAS: 21(meri)
ADRES: Pes Primary School, P.O. Box 36, Aitape, Sandaun Provins
SAVE LAIKIM: Pilai soka, Volibol, mekim pani, go Lotu, harim musik na watsim TV.

Gelpren bilong mi no moa ansarim ol kol bilong mi..

Dia Laipain,
MI GAT 18 krismas na mi wokim Gret 11 i stap. Mi kam long wanpela gutpela famili. Mi namba tu long famili na mi gat 4-pela brata na susa.

Mi gat wanpela gelpren i wokim Gret 12 long narapela skul. Em i kam long famili i gat hevi we marit i bruk, tasol pasin bilong em i gutpela na em yet tu i wanpela kum katim meri. Mipela i bin stat long poroman taim mipela i stap long Gret 6 yet. Ol papamama bilong mitupela i save long prensip bilong mipela na bikos long mitupela, ol i kamap ol gutpela poroman.

Stat long dispela yia, gelpren ya i wok long abrusim mi. Taim mi ringim em, em i save putim mi long voismeil o larim fon i ring i go tasol. Nau mi painimaut olsem em i senisim fon namba bilong em.

Mi wari tru nau ya. Mi no inap stadi gut bikos tingting bilong mi i no stap stret. Papamama bilong mi i lukim dispela na ol i wok long enkarijim o givim ol gutpela sapot toktok long mi tasol dispela i no helpim mi liklik.

Plis Laipain, helpim mi!
BROKEN HEARTED

Dia Pren,
Tenkyu long yu yet i laik kisim helpim long stretim hevi yu gat long em na rait i kam long Laipain long kisim helpim.

Yu gat wari long prensip bilong yu wantaim meri bikos yutupela i bin save long yupela long Gret 6 yet. Nau yu stap long Gret 11. Gelpren bilong yu i no toktok long yu na i wok long abrusim yu, maski yu traim bes long toktok long em. Na em i senisim telepon namba bilong em tu.

Papamama i bin save long prensip bilong yutupela. Na bikos long dispela wari yu gat long en, tingting bilong yu i no stap long skul wok. Papamama i luksave long wari na ol i laik sapotim yu, tasol yu no amamas wantaim sapot ol i givim.

Pren, mipela i save olsem yu no stap gut bikos yu no inap long lukim o toktok long lewa stret bilong yu. Tasol mipela i laik tok olsem ol pilings na wari yu gat long em nau em planti ol yangpela i gat



long em. Mipela i save kisim ol wankain pas olsem long planti ol yangpela long olgeta hap bilong kantri.

Mipela i wok long tingting olsem wanem na ol tokstia we papamama i givim long yu. Planti papamama i laikim ol pikinini bilong ol na ol i laikim bai ol i gat gutpela laip long bihain taim. I moabeta long yu painim taim long sindaun wantaim ol na harim ol wantaim ol stiatok bilong ol. Kain hevi we yu wok long bungim nau, em ol i save long en na ol yet tu i mas bungim sampela long ol pinis. Olsem na mipela i bilip planti yia ol i gat na ol ekspiriyens long prensip na marit i ken helpim yu.

Pren, i gat planti as tingting long pipel i mekim ol samting ol i mekim long en. I mas gat as tingting na gelpren bilong yu i no laik toktok long yu. i moabeta long yu tu i painim taim long sindaun isi na glasim prensip bilong yutupela na tingting long rot we yutupela i ken toktok wantaim em. Sapos em i skul yet, ating em i mas luk-save olsem em i lusim bikpela taim long prensip bilong yutupela na em i no tingting tumas long mekim ol skul wok bilong em. Na dispela i stopim em long gol bilong em o wanem samting em i laik mekim long bihain taim. Na yu yet pren i olsem wanem? Yu ting olsem wari tumas long gelpren bilong yu bai helpim yu inapim ol gol bilong yu long edukesen?

Mipela i laikim bai yu lukluk na tingting gut long dispela tripela wod. Em long laik pasin, laik long slip wantaim narapela na strongpela sotpela taim laik pasin. Lukluk long mining bilong ol na skelim wantaim ol as tingting bilong yu long pren pasin wantaim gelpren bilong yu. Yu gat trupela laik pasin? Em i orait long gat gelpren tasol yu mas kontrolim lewa bilong yu na i no mekim ol samting o no stret taim yu stap olsem yangpela i stap yet long skul. Papamama bilong yu i tromoim bikpela

mani long skul bilong yu na mipela i bilip olsem ol i laikim yu long skul gut, pinisim gut skul na kisim wok. Olsem mipela i tok pinis, mipela i bilip olsem God i gat plen long taim na as long ol samting i kamap long laip bilong yumi. Na em i mekim i kamap bikos long gutpela bilong wan wan man. Long dispela taim yu no lukim gelpren bilong yu, em i gutpela taim long glasim na skelim ol as tingting na rot we yu wok long go long em taim yu na gelpren i wok long strongim prensip bilong yutupela.

God i laikim yu na i laikim bai yu gat gutpela laip na mipela i bilip olsem wankain tu long ol papamama bilong yu. Mipela i enkarijim yu long bilip long God na em bai soim yu gutpela rot. Ritim buk bilong Proverbs 3:5&6. Na yu kisim sapot long ol papamama bilong yu o sios pasto o kaunseling ogenaissen klostu long yu.

Plantu yut i no wokim gut na ol i drop aut long skul bikos ol i no mekim samting stret long skul gut. Na nau ol i no mekim wanpela gutpela samting we bai helpim ol long gutpela bihain taim bilong ol, tasol ol i wokim ol bikheth pasin i stap long ol famili na komyuniti bilong ol. Dispela em bikos ol i no laik harim gut stiatok bilong papamamana ol skul. Plantu i wok long kamap birua wantaim ol papamama na ol famili, loa na ol i go long kalabus. Yu laik kamap olsem?

Pren, sapos yu laikim moa helpim, go long ol lain mipela i givim nem antap pinis na tu, yu ken wokim apoinmen long kam lukim mipela taim yu gat taim.

Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. Laipain

Wok eksplloresen na maining i gro long PNG

Aja Alex Potabe i raitim

PAPUA Niugini (PNG) em i seif na gutpela ples long mekim wok eksplloresen na kamapim maining, we sampela ol biknem maining kampani olsem Barrick, Xstrata, Newcrest na Harmony, i amamas long mekim bisnis.

Bihain long Panguna Mine, planti maining i kamap, na nau ekonomi bilong PNG em i stap antap long strong bilong maining, we 60 pesen bilong olgeta nesanel winmani bilong kantri i save kam long sevenpela maining projek, olgeta i stap long kantri.

Memba bilong Namatanai na Minista bilong Maining, Byron Chan, i bin mekim dispela toktok long wanpela spesol saplemen bilong Mining Journal bilong United Kingdom (UK).

Minista Chan i tok, long yia 2010, dispela sevenpela maining projek – Ok Tedi, Porgera, Lihir, Tolukuma, Simberi, Sinivit na Hidden Valley – i mekim 55 tan Gol, 61 tan Silva na 180, 000 tan Kopa.

Ol i pasim Misima Main pinis na gavman i tingting long opim Panguna Main gen.

"I gat ol arapela eksplloresen projek long gol na kopa, we bihain long

faivpela o sevenpela yia, bai ol i kamap trutru bikpela projek stret," Chan i tok.

Ol dispela projek, em i Mt. Kare (IndoChine), Frieda River (Xstrata), Solwara - 1 (Nautilus Minerals), Mt Nukru/Simuku (Barrick/Coppermoly), Wowo Gap (RMG) na Wood Lark (Wood lark).

Chan i tok, PNG Gavman i stap rere long halivim ol kamapani karim dispela projek go het long kamapim bigpela maining.

Olgeta yia, i kam inap long 2007, wok eksplloresen i save kostim mani mak olsem K200 milian.

Na i no long taim tasol, gavman i

bin karim aut wanpela jeopisikel seve long Hailans rijen blong PNG.

Ol i bin lonsim dispela ripot bilong seve long Toronto, Canada, na MRA i salim dataset bilong dispela seve long US\$5000 long ol kampani husat laik mekim wok eksplloresen long painim gol, kopa na arapela mineral.

Chan i tok gavman i senisim maining loa na mineral polisi long halivin ol kampani husat i laik kari-maut wok ekploresen o kamapim maining.

Ol i mekim tu nupela Ofso Mineral Polisi (Offshore Mineral Policy) long lukautim gut maining

industria, na tu kamapim planti benefit long en.

Planti maining long PNG i save painim gol, kopa na silva tasol, Ramu Nickel Mine bai kamautim nikel na kobalt (cobalt) taim dospela yia em i pinis, na bihain long tupela moa yia, Yandera Mine bai kamautim molybdenum (molybdenum), Chan i tok.

Em i tok mani mak bilong mineral i go antap, na maining industria long PNG tu em i gro.

Tasol salens i nau stap long gavman long lukluk i go insait long olsem wanem gavman bai yusim dispela mani long lukautim ol pipel, bai ol i kamapim gutpela sindaun.

Liklik Bisnisman Kiau man stat liklik na nau bikpela

Nicky Bernard i raitim

KIAU bilong kakaruk i helpim tru man Laiagam long helpim famili bilong em long stap long bikpela siti Pot Mosbi.

Moses Rauda bilong liklik ples Laiagam long Enga, em kam stap long Pot Mosbi longpela taim nau wantaim 12-pela pikinini bilong em, ol bikpela i marit na go nabaut na em stap wantaim 7-pela tasol long haus bilong ol long Morata.

Moses kirapim liklik bisnis bilong em long salim kiau bilong kakaruk, em gat inap mani inap long baim 12-peks kiau we em stat long dispela.

Dispela 12-peks kiau mani wantaim helpim bilong wanpela pikinini bilong em, em go baim wanpela bokis kiau na dispela kisim liklik bisnis kiau bilong em inap 6-pela yia nau.

Long wik de Moses save karim kakaruk kiau

bilong em kam long sentral Waigani opis na save salim long ol kastoma bilong em, long wiken em save salim long Not Waigani maket na Morata we em save stap long en.

Moses i save baim wanpela katen kiau long K82.00 na save kisim K46.00 olsem profit, K6.00 em save bas fe long en na K40.00 em save lukautim bilong skul fi bilong 5-pela pikinini bilong em, sampela taim dispela liklik mani save putim kaikai long tebol bilong em na famili bilong em.

"Mi mekim dispela liklik wok sels long sikspela yia na em helpim mi gut tru long skul fin a liklik kaikai long stap long dispela bikpela siti" Moses i tok.

Em tok tu olsem em gat ol gutpela kastoma we save helpim em gut, long baim kiau na sampela taim nogat mani ol save kam kisim na pei taim bilong ol, ol save kam lusim dinau bilong ol.



K6,000 inc GST !!

FREE TV AVAILABLE NOW
3.0 mtr Solid Antenna + all hardware

ABC-1, ABC-2, ABC-3 ABC-24, SBS-1 SBS-2, CHAN-9, GEM, GO

TOLEC

PH: 472 4242 4724343 | FAX: 472 5656
Email: tolec@tolec.com.pg

HOLY LAND TOURS

ISRAEL & JORDAN

10 NIGHTS & 11 DAYS
FROM **K9499***

INCLUSIONS: Return airfares Port Moresby - Jordan via Singapore & Colombo, 3 star hotel accommodation as per itinerary, return airport transfers, meals where specified, all tours, coach transportation & fees, English speaking guide during Holy Land Tour, Visa fees & border taxes for Jordan & Israel, all airline taxes and surcharges.

CHECK OUT THESE AMAZING HOLY LAND ATTRACTIONS

- > The Sea of Galilee > Nazareth > Church of St Joseph > Ein Karem
- > The Wailing Wall > Church of the Holy Sepulchre

Call toll free on **180 3444** or contact your nearest Air Niugini Travel Centre or Travel Agent to secure your Holy Land Tour!

*Price based on a minimum of 15 persons. Price is per person and subject to change and availability. Strict conditions apply.



LOA bilong Ramu nikel projek mas soim trupla lidasip

OL PAPAGRAUN insait long bikpela bilien kina Ramu nikel projek long Madang i wet yet long sampela promis em Gavman long pastaim i mekim long helpim ol papagraun.

Insait long rivi bilong memorandum ov agrimen (MOA) we i bin kamap i no long taim i go pinis, planti toktok i wok long sut i go long divelopa Ramu NiCo (MCC) Management Limited, tasol sampela bikpela toktok we i mas sut long gavman i no kamap ples klia.

Moabeta, ol lain lida bilong ol LOA i mas sutim tok long Gavman, bikos planti samting we Gavman i sapos long mekim long helpim long sapotim na kirapim bisnis bilong ol papagraun em Gavman i no kamapim. Planti bilong ol dispela wok i stap ananit long SEDP (sosel ekonomik developmen program)

Dispela ol helpim bilong gavman i ken helpim ol papagraun long 4-pela eria em long Kurumbukari (KBK), Maigari (Inlen paipain eria) Kostal Paipain na Basamuk long statim ol wok bisnis bilong ol na ol spin-ov we bai i kamap long projek.

Nau yet ol LOA siaman i kamap long media na sutim toktok i go kam na poretim divelopa olsem Ramu nikel projek i bai no inap go insait long komisanim na digim nikel sapos gavman na divelopa i no kamap wantaim K20 milien kompesesen bikos ol papagraun i misaut long wok bisnis. Tasol ol dispela papagraun i no tok klia olsem wanem tru dispela bisnis i lus na wanem ol samting ol i mas soim. Ol dispela lain papagraun i no luk slong ol wok we divelopa Ramu NiCo i wokim na gavman i no bin mekim sait wok bilong en aninit long long MOA. Na nau ol i kamap na putim belat bilong ol nating i go long divelopa taim gavman i feil tru i pundaun stret long wokim ol wok bilong en aninit long MOA

Ramu NiCo i les long sutim pinga i go kam tasol em i bilip olsem ol papagraun na gavman, wantaim ol narapela stakeholder bai bung wantaim na stretim dispela tingting long bai projek i kamapgut na turangu ol lapun long ples husat i bin wet longpela taim i mas luksave long kaikai bilong Ramu nikel bihain long ol i dai.

Tok i stap klia aninit long MoA wanem hap em wok bilong kampani na wanem hap em wok bilong Gavman na tu wanem hap em wok bilong ol LOA wantaim siaman bilong ol. Aninit long MOA em i tok klia olsem sapos ol papagraun i no amamas long Gavman na kampani orait ol i mas kam sindaun long tebol na toktok long kibung, na i no ken go na traим long stopim projek yusim ol kainkain pasin o pret toktok. Na long MoA tu i tok olsem gavman mas kamaut na tokaut

stret long wanem samting em i no mekim aninit long MOA. Aninit long dispelaa, ol LOA siaman na gavman saveman i mas sindaun na glasim stret husat i bin paul long wok bilong em na nau kainkain ol bel-hevi pasin i kamap long projek.

Dispela Ramu NiCo Projek i ken kamap wanpela model projek insait long kantri sapos ol papagraun na divelopa wantaim Gavman i sindaun long wanpela tebol na skelim tingting gut na noken opim maus bilong ol nating long ol kainkain kusai toktok tumas. Ramu NiCo projek em i no wankain olsem LNG Projek or Ok Tedi na ol lida bilong gavman, LOA siaman na ol narapela manmaeri i mas save gut long dispela.

Divelopa Ramu NiCo i bin wokim planti wok ananit long MoA na autsait tu olsem helpim ol papagraun long sait long agrikalsa wok na tu long sait long helpim ambrela kampani bilong 4-pela LOA. Dispela i go het gut tru taim Siaman bilong Raibus Limited, i givim ripot bilong em long taim bilong MOA rivi

Tupela wik i go pinis Gavana bilong Madang, James Gau i givim wanpela K10 milien olsem sid kapit ol mani helpim i go long ol 4-pela lain papagraun bilong Ramu nikel projek long Madang provins long kamapim wok bisnis.

Dispela mani em Nesene Gavman i givim bihainim promis o tokaut we pastaim gavman bilong Somare-Abal i mekim long givim K20 milien olsem sid kapital i go long ol lain Lenona Asosesen (LOA) bilong Ramu nikel projek.

Praim Minista, Peter O'Neill long las wik Fraide i givim Mista Gau K10 milien sek long onarim wanem toktok pastaim gavman i mekim. Mista Gau i tok tenkyu i go long Mista O'Neill, deputi praim minister, Belden Namah na minista bilong Fainens na Treseri, Don Polye long tok-orait long givim dispela mani i go long ol Ramu papagraun long Madang, husat i bin wet longpela taim tru.

Gavana Gau i tokaut tu olsem narapela K10 milien em bai gavman i putim insait long baset bilong neks yia we gavman bai tokaut long en long displa mun (Novemba) long taim gavman i bung long baset miting.

Mista Gau i tok strong long ol lain siaman bilong ol LOA long toktok gut wantaim ol bisnis han bilong ol long yusim gut dispela mani long rot stret long helpim ol papagraun long ples. Moa long en tu em i tokim ol long yusim dispela mani long lukim helpim i ken go long ol meri na pikinini long ples tu wantaim.

Em i tok i gat sampela sosel na ekonomik developmen program (SEDP) pepa we ol lain LOA



Fainal toktok bilong MOA rivi long Ramu nikel projek i no pinis gut yet.

mas redim long givim i go long Nesene Plening long helpim ol lain long eria bilong main we projek i kamap long en. Em i askim tu ol gavman dipatmen long provins long helpim ol LOA long dispela sait.

Mausman bilong 4-pela LOA na siaman bilong Kurumbukari LOA, David Tigavu i tok bikpela tenkyu i go long Madang gavana, Gau long toktok bilong em wantaim praim minista O'Neill long bringim dispela helpim i go long ol papagraun.

Mista Tigavu i tok dispela mani bai go long ambrela kampani bilong ol 4-pela LOA long karimaut wok bisnis na tu long kamapim sampela gutpela bisnis wok long helpim ol lain papagraun insait long projek eria.

Gutpla nius nau tu em olsem stat long klostu taim bai harim bilong Lens Taitel Komisanim (LTC) i kamap

long lukluk i go insait long ol graun long Kurumbukari eria na ol narapla impact eria long tokaut stret long Stet o gavman, husat lain tru em ol papagraun tru bilong graun we nikel na kobalt projek i stap long en long Madang.

Dispela LTC i kamap bihain long samting olsem 10-pela yia bihain long planti toktok i go kam na tu belhevi namel long ol papagraun long KBK.

Ol lain we gavman i makim long LTC em Benedict Batata, Kutt Paonga na Joseph Gabut na ol dispela spesel komisinas bai harim ol toktok bilong KBK graun.

Nau strong na save i stap long ol papagraun stret long kamap klia wantaim evidens na tokim LTC husat em papa tru long graun na graun bilong em i stap we long mekim isi long Stet long luksave tru

long husat em papagraun.

Dispela bai helpim projek tu long kirap na ol lapun husat i wet longpela taim i ken kaikai sampela mani long nikel long graun bilong ol bipo long ol i dai.

Insait long kantri we i gat ol bikpla projek i luksave olsem ol planti konman na meri i wok long kamap papagraun na kamapim planti hevi. Insait long Ramu nikel projek, em i klia pinis husait i trutru papagraun na ol papagraun mas mekim wok isi long Stet i mas tokaut stret husat em papagraun tru tru.

Taim bilong wet long 1962 i kam inap nau klostu bai karim kaikai bilong en. Kantri i senis na wol i senis, na ol papagraun bilong Kurumbukari na Raikos tu i mas senis. Ramu NiCo Projek i gat bikpela bilip long mekim dispela senis sapos main i kirapim wok bilong en.



Madang Gavana, James Gau i givim K10 milien i go long ol 4-pela LOA siaman bilong Ramu nikel projek na Gavman.

RAMU NiCO Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komuniti



Ol bikman bilong bruri i tok kliia long ol posta...

Noken Salim Bia long pikinini aninit long 18 krismas

BIKPELA bia kampani long kantri, SP Bruri, i kamapim wanpela liklik buk na posta long soim ol manmeri husat krismas bilong aninit long 18 bai no inap bai bia.

Dispela em long lainim ol manmeri

na ol stoa lain long mas sekim gut krismas bilong ol kastoma na bihain givim ol.

SP Bruri wantaim sapot bilong gavman i kamapim dispela ol posta na buk long bihainim Loa bilong gavman long

noken salim bia go long manmeri husat krismas bilong aninit long 18 krismas.

Planti bilong ol yangpela manmeri husat krismas bilong i no antap long 18-krismas i wok long go baim bia

long ol liklik stoa husat save salim bia.

Dispela ol posta na buk nau bai strongim ol dispela stoa lain long luksave go long salim ol bia bilong ol i go long ol kastoma bilong ol.

Agiru laik kirapim agrikalsa

Aja Alex Potabe i raitim

AGRIKALSA i bin sapotim ekonomi taim Papua Niugini i kisim indipendens, tasol nau maining na LNG projek kamap, na gavman na pipel i lus tingting olgeta long en.

Maski bikipela multi-bilan-kina PNG LNG Projek em i kamap long Sauten Hailans, Gavana Anderson Agiru, i tok, em bai kirapim gen agrikalsa, na mekim provins bilong em kamap provins.

"Taim Exxon Mobil i karim namba wan LNG eksport long sip i go long Taiwan, China



Agiru: Gutpela tingting.

na Japan long 2014, Sauten Hailens Provinsel gavman bai eksportim kaikai long bigpela balus, na karim i go long Midel Is (Middle East)," Agiru i tok.

Agiru i mekim dispela toktok taim em i givim K100, 000 long Sauten Hailans sumatin long Yunivesti bi-

long Papua Niugini (UPNG) long Fraide wik i go pinis, bai ol i ken mekim awenes long provins long Krismas holide.

Agiru i tok sampela agrikalsa kampani bilong Israel i gat bikipela laik long mekim bisnis long Sauten Hailans, na ol i go lukim ples pinis.

"Ol bai lukluk long planti samting. Kofi, banana, pinat, kakao, na ol arapela kaikai tu. Mipela bai statim dispela projek long Tari, Ialibu, Pangia na Erave pastaim. Ol arapela ples long provins tu bai joinim behain long dispela," Agiru i tok.

Em i tok gol, ges na oil bai pinis, tasol agrikalsa em bai pinis sapos graun tu i pinis.

"Gavman i mas tingting long kirapim agrikalsa bikos, long maining na LNG, liklik manmeri tasol bai kisim benefit long en, tasol Agrikalsa bai olgeta pipel bilong kantri bai kisim benefit," Agiru i tok.



REGISTRATION AND LICENSING OF PRIVATE WATER AND SANITATION SERVICES THROUGHOUT PAPUA NEW GUINEA

Water PNG is a State Owned Entity (SOE) established under the *National Water Supply and Sewerage (NWSS) Act 1986* and is empowered to exercise control over persons or organizations providing water supply and sanitation services.

Water PNG wishes to advise all Mining Companies, Oil Palm Industries, Coffee Industries, Consultants, Contractors, Suppliers, Hotel Industries, Missions, Aviation Industries, Government Institutions such as Hospitals, Colleges/Universities, Schools and individuals providers of private water supply and sanitation services and food and drink processors/producers of the requirement for compliance and licensing.

Water supply and sewerage services not operated by Water PNG are required to be licensed annually to operate. According to our records, not all private water supply and sewerage services are registered and licensed to operate under the *NWSS Act 1986*.

Section 26 (4) of the *NWSS Act, 1986* provides that; a person who,

without the prior approval of Water PNG, constructs, operates, or manages any public water supply (supplying water for drinking to more than 5 people) and sewerage system, is guilty of an offence, for which you can be fined a penalty not exceeding K10, 000.00.

To avoid the prescribed penalty fee under the Act, you are required to comply with payment of the annual fee to enable you to be licensed to operate.

For further information please contact the following:
Manager Business Support or Senior Compliance & Licensing Officer on Tel: 323 5700, Fax 323 1453.

Authorized by:

Patrick K. Amini, OBE
Chief Executive & Managing Director



SALENS: Wanpela City Phamarcy Eastern Stars pilaia (raithan) i laik rausim birua bilong em bilong Bulolo United FC long raun tri NSL gem bilong ol long Mosbi las wik Sarere. **POTO: David Kaseng/PNGFA**



PAIT: Ol Paitmanmeri bilong Kyokushin Karate, i soim stail bilong ol long Mosbi bipo tasol long Dgicel kap gren fainol gem i stat long Oktoba 23 long Mosbi. **POTO: Andrew Molen.**



RONIM EM: Tupela pilaia bilong Popondetta i traim tasol i no inap long holim wanpela Sentrol pilaia long nesanel tas sempionsip semi fainol gem bilong ol long Mosbi las wik Sande long gem bilong ol meri. **POTO: Andrew Molen.**



KILIA: Ol Gurias pilaia i traim long stopim kepten bilong Lahanis, Glen Nami, long Digicel kap gren fainol gem bilong ol long Oktoba 23 long Mosbi. **POTO: Andrew Molen.**



TRI POIN: Lawrence Lahari bilong Bulls i kalap long traim na kisim tripela poin insait long Lae Sprite Basketball gren fainol gem bilong ol agensim NS Busu las wik Sande long Lae. **POTO: Bulls basketball klap.**

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.

Pilai antap long wara

Andrew Molen i raitim

YU ken tok olsem sefing (surfing) em i spot we i save mekim ol manmeri husat i pilaim, i ron o wokabaut antap long wara.

Sefing em i spot we ol pilai i save sanap o silip antap long wanpela samting ol i kolim bod.

Dispela bod i olsem hap diwai tasol em i no hevi na ol i save mekim wantaim plastik, na liklik hap diwai na wara i no inap long daunim.

Ol i save sanap antap long dispela bod na lusim spit bilong wara yet long karim ol i go taim solwara i laik bruk na i kirap.

Spit bilong dispela wara wantaim sanap na save bilong man long yusim dispela bod bai mekim em i ken ron spit tru na tanim i go i kam antap long wara.

Ol i save traim tu long stap antap long wara long taim na i noken pundaun hariap.

Wanwan pilai i save kisim poin long save na stail bilong em long pilai dispela gem.

Histri bilong gem

I gat bilip olsem sefing i stat long Polinesia (Polynesia) insait long Pasifik.

Namba wan ples ol i bilip i stat tru long en, em Hawaii long Amerika.

Ol bikman bilong raun na painim ol nupela ples olsem Kepten James Cook, Mark Twain na Joseph Banks, i raitim ol rekot long ol i bungim ol asples manmeri bilong ol dispela Polinesia ples olsem Hawaii, Tahiti, Samoa na Tonga, i pilai long wara wantaim ol sef bod bilong ol.

Dispela ol painim aut bilong ol i kamap namel long 1767 na 1769.

Sefing em i olsem wanpela bikpela hap bilong kalsa bilong ol dispela ples long dispela taim.

Ol i save yusim ol hap diwai olsem bod bilong ol.

Tasol ol wok painim aut nau i soim olsem Hawaii wantaim ol arapela Polinesia kantri no namba wan lain long pilaim dispela spot.

Nupela wok painim aut bilong ol saientis na save manmeri bilong sekim ol samting long bipo, i tok olsem Peru, em i namba wan ples tru long kamapim na pilai sefing.

Dispela ol wok painim aut i soim olsem sefing i kamap long Peru moa long 1000 yia bipo long ol manmeri bin kamap long stap long Hawaii ailan.

Tasol long Peru, ol i no save yusim ol hap diwai olsem long Hawaii na Polinesia.

Long Peru, ol i save yusim ol bush rop bilong wara we ol i save pasim wantaim long mekim wanpela samting olsem sef bod, na yusim dispela long sef wantaim.

Man husat i kisim sefing i kam aut long kalsa bilong Hawaii na i soim long olgeta manmeri em, Duke Kahanamoku.

Kahanamoku em asples bilong Hawaii yet, na i bin wanpela swima husat i bin winim gol medol long Olimpik Gems bipo.

Em i kisim soim sefing long ol pablik na i statim ron na stail bilong pilai dispela gem olsem yumi olgeta i save long en tete.

Sefing long tete, i gat kalsa bilong en tu, i gat ol stail klos na bilas we ol sef manmeri save werim na raun olsem ol sotpela trausis, slipas (slippers) bilong lek na ol siot tu.

Ol i gat sampela stail bilong toktok, pasin na wokabaut tu we ol i mekim i kamap ples klia na planti ol arapela i save laik bihainim tu.

Stail na loa bilong pilai

Sefing em i wanpela samting we sampela manmeri save laik mekim long amamas na pilai tasol, na sampela i save pilaim olsem spot bilong ol.

Long sampela hap long wol olsem Amerika, em i wanpela bikpela spot we i save pulim planti mani kam long ol sponsa na sampela ol manmeri save kisim bikpela mani tasol long pilaim dispela gem.

Long stap insait long dispela gem, namba wan samting yu mas save, em long sanap antap long bod.

Bihain yu mas save long sanap antap na ronim dispela bod antap long solwara.

Em i no isipela samting na ol gutpela sef manmeri save kisim planti yia long lainim na save gut long sef.

Long taim bilong resis, ol jas i save lukluk long stail na save bilong pilai, strong bilong em long stap antap long wara long taim, ol stail bilong em long tanim antap long wara, spit na gutpela ron bilong ol antap long wara wantaim nogat hevi.

Ol bai givim poin inap long 10 long wanwan resis bilong wanwan pilai.

I save gat wanwan liklik sef resis long wanwan hap long wol tasol "International Surfing Association (ISA)" i lukautim ron bilong olgeta.

ISA i gat luksave bilong International Olympic Committee (IOC) tu na i save wokbung wantaim "Association of Surfing Professionals" (ASP).

ASP i save kamapim wol sempionsip tu long olgeta yia bilong olgeta pilai bilong wol long bung na salens.

45 man i save stap insait long dispela resis bihain long ol i kwalifai long ol arapela liklik resis.

Dispela ol pilai em ol nambawan pilai insait long wol na i makim ol arapela sef manmeri insait long wol.

Ol samting bilong pilai

Namba wan samting yu mas i gat, sapos yu laik pilai dispela gem, em, sef bod.

Yu mas i gat ol klos bilong wara we bai drai hariap na i no inap mekim yu kol tumas.

Yu mas i stap klostu long nambis we solwara i save bruk gut bai yu ken ronim bod bilong yu antap long gutpela solap bilong solwara.

Sefing long PNG

Sefing i stap pinis long PNG tasol em i no strong tumas long planti ples yet.

Ol ples we i gat ol sef klap em Vanimo, Wewak, Kavieng, Ulingan long Madang, na Taurama long NCD.

I gat planti ol arapela gutpela ples i stap we sefing i ken kamap strong long en tasol nau yet, ol wok developmen i wok long kamap long mekim planti moa manmeri save gut long en.

Surfing Association of Papua New Guinea (SAPNG), i lukautim olgeta sef kompetisen na asosiesen insait long PNG.


Ol i gat wokbung wantaim Tourism Promotion Authority (TPA) bilong PNG long kamapim wok turisem wantaim sefing insait long kantri.

Sefing em i wanpela spot we i ken kamap strong long PNG tu bilong wanem i gat planti ol nambis ples insait long kantri we ol manmeri save gut long stap wantaim solwara bilong ol.

Liklik yet, ol i lainim long pilai na waswas long wara na dispela kain spot i ken helpim ol long lainim ol nupela stail bilong pilai na amamas wantaim wara bilong ol.

Na wantaim wokbung bilong SAPNG na TPA, ol dispela ples i ken gat sans long soim ol pasin na kalsa bilong ol long wol na tu helpim long developim wanwan ples bilong ol tu.

Sefing em i wanpela bikpela intanesenel spot na PNG, olsem wanpela ailan kantri insait long Pasifik i gat sans long kamapim ol gutpela pilai bilong en tu.



BRUKIM WARA: Andy Abel em Presiden bilong SAPNG na man husat i go pas long kamapim sefing long PNG moa long tupela yia i go pinis. **POTO: JASON PINI/ SAPNG.**



LIKLIK YET: Long sampela ples we sefing i kamap strong, ol manmeri save lainim dispela spot taim ol i liklik yet. **POTO: JASON PINI/SAPNG.**



PILAI SAMTING: Sampela ol sef bod ol pilai save yusim.



BILAS: Klos bilong ol sef manmeri

Ellis laik mekim save long Australia

NRL pilaia na fowet bilong Inglen, Gareth Ellis, i tok Australia i no save soim respek long gem bilong Inglen na em i laik senisim dispela tingting bilong ol taim tupela i bung dispela Sarere long Wembley stadium long 4 Nesens gem bilong ol.

Ellis i tok, Inglen i save givim planti respek tumas long Australia tasol ol i no save bekim dispela luksave long ol.

"Ol i save lukluk tasol long wanwan pilaia bilong mipela tasol ol i no save lukluk long mipela olsem wanpela tim," Ellis i tok.

"Ating dispela em bilong wanem mipela i no mekim wanpela bikpela samting long soim ol strong na gem tru bilong mipela yet.

"Em bai gutpela tru sapos mipela i ken soim ol long dispela Sarere," em i tok.

Laspela taim Inglen i bin

winim wanpela tes siris (Test Series) o tonamen, em 40 yia i go pinis.

"Mipela i gat planti ol gutpela yangpela pilaia nau husat i gat sans long senisim dispela bilip na mekim Australia i soim sampela respek long gem bilong mipela," Ellis i tok.

Ellis, em i wanpela bilong ol Inglen pilaia husat i stap na pilaia long Australia na i bilip ol i ken kamap strong moa long gem bilong ol sapos planti moa long ol i kam pilai long hap.

Australia i winim namba wan 4 Nesens gem bilong ol las wik agensim Nu Silan na i gat sans long kisim moa poin sapos ol i winimim Inglen tu.

Tasol dispela bai no inap isi bilong wanem tonamen i kamap long Inglen yet na ol asples tu i gat strongpela tingting long mekim save long Australia.



SOIM: Ellis bai go pas long pilai strong agensim Australia long Sarere.



REF: Perenara bai was long gem bilong Australia na Inglen.

Bipo NZ pilaia bai refri long Australia-Inglen gem

BIPO Nu Silan na NRL pilaia, Henry Perenara, bai refri long namba tu intanesenel gem bilong em dispela Sarere long Wembley stadium long Inglen.

Dispela gem bai kamap namel long Australia na Inglen na em bai wanpela bikpela gem tru Perenara bai refri long en.

Perenara i nogat planti ekspirians long kain bikpela gem na i bin statim wok bilong em long

NRL dispela yia. Namba wan NRL gem bilong em long refri, i bin kamap namel long Canberra na Sydney Roosters long Julai, dispela yia.

Las wik Sarere, em i lukautim namba wan intanesenel gem bilong em we i kamap namel long Wels na Inglen long Leigh las wik Sarere.

Tasol Perenara, 31 krismas, bilong Auckland long Nu Silan, i no nupela long ragbi lig, em i

bin pilaim namba wan NRL gem bilong em wantaim ol Warriors long 2000 na i bin makim Nu Silan long wanpela tes agensim Frans long 2001.

Em i bin pilai tu wantaim Melbourne, Ste Illawarra, Parramatta na Cronulla.

Perenara i go insait long wok refri bihain tasol long em i pinis pilai na i stap olsem wanpela fultaim ofisol bilong NRL nau.

Sandow no pilim presa bilong Eels

CHRIS Sandow i tok em i no pilim presa olsem em i gat bikpela wok long helpim Parramatta Eels i kisim bek gem bilong ol.

Ol Eels i kisim Sandow, 22 krismas, i go long pilai wantaim ol long 2012 bihain long ol i bagarapim 2011 sisen bilong ol.

Gutpela gem bilong Sandow i lukim klostu tru em i kisim South Sydney Rabbitohs i go long insait long NRL fainols dispela yia.

Nau em i kam long Parramatta na olgeta ai pas long em tasol dispela liklik hap bek i tok em i no pilim bikpela hevi long dispela. Parramatta kepten, Nathan Hindmarsh i sapos

tim nupela pilaia bilong em.

Hindmarsh i tok em i no gutpela long klap i putim olgeta hevi bilong ol antap long solda bilong Sandow.

Eels i gat bilip long gutpela pilai bilong Sandow, na i kisim em i go long ol wantaim wanpela kontrak long stap wantaim ol 4-pela yia.

"Mi no tingting long presa," Sandow i tokim ol nius manmeri long Tunde dispela wik.

"Tingting bilong mi em long pilai gut tasol na mekim ol gutpela samting wantaim tim na lukim mipela bai wokbung gut olsem wanem," em i tok.

Em i tok, em i no karim

Souths dispela yia bilong wanem olgeta pilaia long tim i wokhat wantaim.

Em i tok, em i no pilim presa tumas long Eels bilong wanem i gat ol arapela gutpela pilaia olsem Jarryd Hayne na Ben Roberts i stap long helpim em.

2011 sisen bilong ol Eels i bagarap tru we i lukim ol i sot liklik tasol long pinis las tru na kisim diwai spun (wooden spoon).

Laspela taim ol i bin pinis long las tru olsem, i bin long 1972.

Sandow i tok, yia bilong Parramatta i bin go antap na go daun wantaim, olsem bilong Souths.

"Mi ting ol i lusim sampela ol isi gem we ol i bin inap long winim," em i tok.

Hindmarsh i tok em i no wok bilong Sandow wanpela long winim ol gem bilong Parramatta.

"Em i no gutpela pasin long putim olgeta hevi na hatwok antap long em.

"Chris em i gutpela pilaia na i save paia lait stret long pilai graun taim em i pilai wantaim South Sydney bipo em i kam long mipela, na mipela i laik bai em i ken kisim wankain strongpela gem bilong em i kam long hia tu tasol mipela i no nap tok olsem em bai mekim olgeta samting bilong mipela," Hindmarsh i tok.



JOINIM EELS: Sandow i no pilim presa long helpim Eels i kirap gen tasol em bai wokhat bilong tim.

Mosbi nogat etletiks klap

Andrew Molen i raitim

ETLETIKS em i wanpela bikpela spot long Pasifik Gems na tu long Olimpiks na Komonwelt Gems tasol mama ples bilong Papua Niugini, Nesenel Kapitol Distrik, i nogat wanpela etletiks klap.

Memba bilong Pot Mosbi Etletiks Asosiesen, Sophia Marai, i tok dispela wik long Mosbi.

"Mipela i traim nau long kirapim ol klap bek gen bilong wanem sapos i gat ol klap em bai mipela i ken i gat ol gutpela kompetisen na resis bilong wanem bai gat planti moa manmeri resis long en." Marai tok.

PMAA i singaut nau long husat ol manmeri laik stap

insait long dispela gem long kam na lukim ol.

Oi i laik redim ol pilaia bilong PNG Gems long 2012 na tu Pasifik Gems long 2015 we bai kamap long PNG yet.

Marai tok husat ol klap i laik putim ol pilaia bilong ol insait long PNG Gems, i mas rejista wantaim PMAA na olgeta manmeri wantaim krismas antap long 14, i ken joinim ol dispela klap.

10-pela yia i go pinis, I bin gat planti ol etletiks klap long Mosbi tasol nau i gat wanwan manmeri tasol husat i soim laik yet long dispela spot.

Oi wanwan manmeri olsem Naomi Polum, John Gitiri, Delin Bais, Gordon Kapak na Sophia Marai, I

wok long traim long holim dispela spot I stap strong insait long NCD.

"Mipela i save kamap tasol long ples bilong ron long Sarere na husat ol manmeri laik ron i save kam lukim mipela na mipela i save kamapim ol resis bilong ol," Marai tok.

Nau yet, PMAA i gat 30 pilaia tasol i rejista wantaim ol, na dispela ol pilaia i go long olgeta nesenel sempionsip we Etletiks PNG i kamapim.

PMAA i stap 50 yia pinis na ol i kamapim planti ol biknem etlit olsem lammo Launa na Subul Babo long bipo na long nau olsem Mae Koime, Nelson Stone, Wala Gime na Sharon Kwarula.

Long Pasifik Gems long

Nu Kaledonia dispela yia, Etletiks I winim 15 gol, 8 silva na 9 brons medol bilong kantri.

Husat i laik joinim asosiesen i ken ringim het kosa, Naomi Polum long 721 87897.



SEMPION: Stone em wanpela etlit bilong PMAA.

Dunaden win long nus taso



NUS TASOL: Piksa i soim Dunaden i abrusim mak bipo long Red Cadeaux.

Andrew Molen i raitim

LIKLIK hap nus bilong Dunaden tasol i abrusim mak bipo long Red Cadeaux na i mekim em i winim Melbourne kap resis bilong 2011 long Tunde dispela wik.

Tasol nau, i gat ol wok redi kamap long lukim dispela hos bilong Frans i kam bek long Australia long 2012 long traim na winim gen dispela trofi bilong em.

Trena bilong em; Mikel Delzangles, i tok Dunaden i ron gut tru long Tunde na bai go bek long Frans long wik i

kam long malolo gut pastaim.

"Sapos em i orait na i stap gut yet, em bai kam bek long nek yia long resis gen," Delzangles i tok.

Na i gat bilip olsem, planti moa hos bilong Yurop bai nap long bihainim Dunaden sapos em i kam bek gen long resis long 2012.

"Planti moa hos i nap kam long Yurop tasol dispela i no min olsem ol bai win olgeta yia," Delzangles i tok.

"Dispela em i no wanpela isi resis long winim," em i tok.

Bulls winim namba 8 gren fainol

THEODIST Unitech Bulls A gred tim bilong ol meri, i winim namba 8 gren fainol taitol bilong ol long Lae Sprite Basketball Lig salens las wik.

Oi i winim NS Busu 40-34 long ova taim.

Dispela i namba 8 taitol bilong ol Bulls insait long 8-pela yia stret, na i mekim ol i kamap olsem ol sempion tim tru bilong Lae.

Oi Bulls i wok hat tru long dispela win we i no kam isi.

NS Busu i bin strong tru wantaim strongpela pilai kam long Mary Elavo Snr na Martha Lulu Aaron husat i gat planti ekspirians namel long tupela.

Busu i go pas 6-5 long namba wan kwata bilong gem na long hap taim, ol i surukim dispela i go moa long 22 na Bulls i stap long 11.

Tasol long namba tri kwata, Jenny Magatu na MVP Nellie

Jamsop i painim gem bilong ol na i go pas long gem bilong ol Bulls long kam bek strong.

Oi i pinisim dispela kwata wantaim 26 poins na Busu i stap yet long 22.

Jossie Sam na Vivianne Gawa i kirap long laspela kwata bilong gem long karim ol Bulls i go moa wantaim strongpela salens i kam bek long Busu.

Tupela tim wantaim i stap long 32-32 long fultaim tasol long ekstra taim, ol Bulls i soim strong na save bilong ol long win 40-34.

Long gem bilong ol man, Bulls i no bin inap long bihainim ol meri bilong ol taim ol i lus long Busu 73-52.

Em i bin wanpela strongpela gem tu tasol tim i no bin inap long salens bilong Busu we i lukim ol i ronawe long laspela kwata long win.



KALAP: Lawrence Lahari bilong Bulls i traim long kisim tripela poin klostu long sait lain yet. POTO: BULLS.

Kumuls laik winim bek gem

i kam long bek pes..

Fiji Bati:

Trai: Kitone Rasotale, Jone Wesele, Sisa Waqa, Taquele Naiyarovororo, Paula Rokolati

Gol: Henry Raiwalui 3 from 6

Papua Niugini Kumuls:

Trai: Jessie-Joe Parker (2), Glen Nami.



Soim respek long ol gem ofisol

PNG Touch Federation i holim nesenel sempionsip bilong ol las wiken long NCD.

Dispela tonamen i pulim olgeta asosiesen long kam bung wantaim na luksave long gem bilong ol yet, na tu em i givim sans long planti bilong ol long lukim bikpela siti bilong kantri bilong ol.

Tasol dsipela olgeta gutpela tingting na amamas i lus nating taim dispela tim we i lus, i kirap na bagarapim ol samting na ronim ol ofisol bilong gem.

Oi ofisol tu i laki long ronawe hariap taim ol i lukim olsem belhevi wok long kamap long tim we i wok long lus i stap.

Ating em bai narapela bikpela stori nogut gen sapos dispela ol belhat lain i bin holim pasim dispela ol ofisol bilong gem.

Oi i ken kisim bagarap o brukim bun na i go long haus sik sapos ol i dispela belhat lain i bin holim ol. Bikpela askim em, long wanem na dispela pasin i kamap?

Husat i go pas long kamapim dispela hevi? Na tu, ol i bin plenim gut dispela tonamen i nogat?

Bai mi kisim yu i go nau long olgeta wok redi bilong tonamen i go inap long taim tonamen i kamap.

Dispela komiti kisim hamas taim long mekim olgeta wok redi bilong dispela tonamen?

Na ol i bin lukluk tu long olgeta hevi we i nap long kamap o nogat?

Sapos yu laik kamapim wanpela kain bikpela tonamen olsem, yu mas kisim moa long wanpela yia bipo long em i kamap, long mekim olgeta wok redi.

Yu mas tingim tu olgeta hevi we i nap kamap long dispela kain bung olsem.

Sapos yu kisim moa taim em bai yu ken inap long tingim olgeta hevi na wok we i mas kamap long lukim olsem dispela tonamen o bung i kamap na ron gut na olgeta manmeri husat i kamap long en bai amamas tu.

Oi tim husat i kam long longwe ples i save putim planti mani long i kam olsem na ol i mas amamasim gut dispela raun bilong ol.

Sapos ol i no mekim gut na i lus, gutpela ron bilong tonamen i ken mekim ol i amamas yet na ol bai no inap wari tumas long lus bilong ol.

Dispela i ken kamap sapos ol komiti bilong tonamen i kisim inap taim na mani long redim ol samting bilong dispela kain bung.

Wanpela bikpela samting ol i mas lukluk long en, em sekyuriti bilong dispela bung.

I mas i gat gutpela sekyuriti stap long lukim olsem olgeta pilaia na ofisol i orait tasol.

Dispela i no min olsem ol i mas kamap na soim strong bilong ol long ai bilong olgeta pilaia na sapota olsem ol i stap, nogat.

Bikpela samting em long lukim olsem olgeta samting long dispela bung i kamap na ron gut tasol long stretpela pasin na astingting we em i sapos long bihainim.

Las wik, mi lukim long tupela ai bilong mi yet olsem tupela ofisol bilong gem i ron long laip bilong ol, i kam abrusim haus bilong mi na i go.

Dispela i kamap long fainols bilong tonamen olsem na mi tingim laip bilong tupela na mi tokim ol long pasim ai tasol na ron long laip bilong ol.

Mi bilip olsem komiti no bin tingim sekyuriti taim ol i laik kamapim dispela tonamen.

Dispela em i wanpela bikpela samting we i mas stap long olgeta bung.

Yu noken lustingting long dispela na ting olsem olgeta samting bai ron gut tasol.

Pasin bilong pait na bikhet insait na autsait long pilai graun, i wok long kamap planti nau long ol spots bilong yumi olsem na yu mas tingim sekyuriti olgeta taim.

Yu noken ting olsem dispela pasin bai no inap kamap long bung bilong yu.

Wok bilong lukautim sindaun bilong yu long dispela kain bikpela bung em i bikpela samting na i mas kamap, yu mas tingim dispela olgeta taim.

Wanpela gutpela samting em long wokbung wantaim polis long dispela kain wok, em bai no inap kos wanpela mani tasol bai helpim yu gut long lukautim olgeta manmeri na samting bilong yu insait long dispela tonamen o bung i go inap em i pinis.

WANTOK SPOTS

LAE BISCUIT CO.

Isu 1941

Wan wik: Fonde, Novemba 3 - 9, 2011.

NEW PREMIUM TUNA

DIANA

DIANA Hot & Spicy | DIANA Smoked Tuna | DIANA Tuna in Oil | DIANA Spiced Tuna with Onions | DIANA Barbecue Flavour

PROUDLY PNG MADE

Omega 3 DHA

Bikpela salens

Kumuls laik winim bek gem



Andrew Molen i raitim

OL Papua Niugini Kumuls i gat strongpela tingting nau long winim namba tu tes bilong ol agensim Fiji bihain long 26-12 lus bilong ol long Kagamuga las wik Sande. Kumuls kosa, Adrian Lam, i tok hevi bilong ol yet i mekim ol i lusim dispela gem na nau ol bai wok hat long triam na winim namba tu gem we bai kamap long Mosbi dispela Sande.

Tasol em bai no inap isi long ol Kumuls bilong wanem ol Fiji Bati, pilim swit bilong win pinis na bai no inap givim sans long ol asples long kam bek. Fiji mekim histri taim ol i win las wik bilong wanem em i namba wan taim bilong ol tru long winim Papua Niugini. PNG i go pas 8-4 bipo Fiji kam bek long win. Tim bilong Fiji gat 5-pela NRL pilaia na planti ol arapela pilaia husat i stap na pilai long ovasis na dispela ekspiriens na save bilong ol i strong moa long ol PNG pilaia husat olgeta i save pilai long

PNG tasol. Lam i tok PNG pundau-nim planti bal na dispela em i wanpela bikpela hevi we i helpim long daunim ol. Tim nau bai lukluk long stretim dispela ol hevi wantaim bikpela astingting long winim bek biknem long namba wan gem bilong kantri. Ol trai long dispela gem las wik i kam long:

GO PAS: Kepten, Paul Aiton bai go pas long salens bilong ol Kumuls.

Moa long Pes 27

WINIM K20,000

Baim wanpela fevaret kar bilong PNG, ISUZU N Series na bai yu gat sans long

long COURTS Something for Everyone!
daltron
Ch Carpenters Hardware

BOROKO MOTORS

PORT MORESBY	☎	325 5255
LAE	☎	472 1144
MT HAGEN	☎	542 1933
TABUBIL	☎	649 9048
KIMBE	☎	983 5035
MADANG	☎	422 2659
KOKOPO	☎	982 8193
GOROKA	☎	532 3552

FOPELA DRO Wampela wina long fopela rejen
MOWASE | ISLANDS | HIGHLANDS | SOUTHERN
Condisen Aplai!

Email: info@borokomotors.com.pg
Website: www.boroko-motors.com